

四庫全書

子部

欽定四庫全書

子部

記纂淵海卷五十七

詳校官中書_臣涂日煥

主事_臣祁韻士覆勘

總校官降調編修_臣倉聖脉

校對官編修_臣吳裕德

謄錄監生_臣范墉

欽定四庫全書

記纂淵海卷五十七

宋 潘自牧 撰

論議部

徵小必報

經敝帷不棄為埋馬也敝蓋不棄為埋狗也

記檀弓下

迎貓

為其食田鼠也迎虎為其食田豕也

郊特牲

子馬免人於難者其死也葬之以帷牛有德於人者其死也葬之以大車之薦牛馬有功猶不可忘又況人乎

淮南

史田子方魏文侯之師也見君之老馬棄之曰少盡其力老而棄之非也於是收贖而養之

史記

犬馬有勞於人

尚加帷蓋之報

前漢陳湯傳

徵小有知

經獺祭魚豺祭獸鷹祭鳥

記月令

今是大鳥獸則失喪其

羣匹越月踰時焉則必反巡過其故鄉翔回焉鳴號焉
躑躅焉踟躕焉然後乃能去之小者至於燕雀猶有啁

雉之頃焉然後乃能去之

三年問

子鳥高飛於層漢之上以避矰弋之害鼯鼠深穴乎神

丘之下以避熏鑿之患

莊子

瓠已鼓瑟而流魚出聽伯牙

鼓琴而六馬仰秣

荀子

管仲隰朋從桓公伐孤竹春往冬

返迷惑失道管仲曰老馬之智可用也乃放老馬而隨

之遂得道行山中無水隰朋曰蟻冬居山之陽夏居山

之陰蟻壤一寸而仞有水乃掘地遂得水

韓非子

烏鵲識

歲之多風去喬木而巢扶枝

淮南子

鵲巢知風之所起獼

穴知水之高下暉日知晏

鳩鳥也

陰諧知雨

雌也淮南子

鷄有

專栖之雄雉有擅澤之鷗

音鳩

蟻有兼弱之智蜂有攻寡

之計

抱朴子

竊知夜半燕識戊己

抱朴子

智禽含蘆以逆網

水牛結陣而却虎

抱朴子

狂馬不自觸於木獬狗不自投於

河

淮南子

史巢居知風穴居知雨

西漢翼奉傳

機心內萌則鷗鳥不下

魏志高柔傳注

孫堅於西華失利被鎗墮馬卧草中軍衆分散

不知堅所在堅所騎驄馬馳還營踣地嗚呼將士隨馬

於草中得堅

吳書

孫峻謀誅諸葛恪恪將見之夜精爽擾

動通夕不寢嚴蹕趨出犬銜引其衣恪曰犬不欲我行

乎還坐有頃乃復起犬又銜其衣恪令從者逐犬遂升

車

吳志

劉備屯樊城潛遁所乘馬名為的顱騎走墮襄城

西檀溪水中溺不得出備急曰的顱今日厄可不努力

的顱乃一踴三丈遂得過

世語

裴子野曰夫噬虎之獸知

愛已子搏狸之鳥非護異巢

通鑑

宋紀張彪敗後與妻楊氏

去唯常所養一犬黃倉在彪前後未曾舍離乃還入若

邪山中沈秦說陳文遣章昭達領千兵重購之并圖其妻彪眠未覺黃倉驚吠却來便噬一人中喉即死及彪

被害黃倉嗥叫宛轉血中

陳書

犬馬戀主

晉書石勒傳

傳記驥服鹽車而上太行遷延負轅不能上伯樂遭之

下車攀而哭之驥於是俛而噴仰而鳴聲達於天若出

金石者何也彼見伯樂之知己也

戰國策

齊廣寧王孝珩

嘗蓄一犬守外人不得趣近孝珩每射令其取箭亦解

呼召左右牽衣而進

三國典畧

蜂有兩衙應潮

雅科

亡獵犬於

山林大呼犬名其犬則鳴號而應其主人犬異類聞呼

而應者識其主也

論衡

鄭子陽之難獬狗潰之齊高固之

難失牛潰之當其時狗牛猶可以為人唱

呂氏春秋

陸機犬

名曰黃耳機往仕路常將自隨此犬黠慧能解又嘗借人三百里外犬識路自還一日至家機羈官京師久無家問機戲語犬曰我家絕無書信汝能賁書馳還取消息不犬喜搖尾作聲應之機試為書盛於竹筒繫之犬頸犬出驛路疾走向吳饑入草噬肉取飽每經大水輒

依渡者彌耳掉尾其人憐愛因呼上船載近岸犬即騰
上速去如飛逕至機家口銜竹筒作聲示人機家開筒
取書看畢犬又向人作聲如有所求其家作答內竹筒
中復繫其犬頸犬既得答仍馳還洛計人程五旬而犬
往還裁半

述異記

會稽句章民張然滯役在都經年不得

歸家有少婦遂與奴私通然在都養一狗甚悅名烏龍
後假歸奴與婦謀欲殺然作飯食共坐下食未得噉奴
當戶倚張弓挾箭拔刀然以盤中肉飯與狗不噉惟注

睛舐唇視奴然亦覺之奴催食轉急然決計拍髀大呼
曰烏龍狗應聲傷奴奴失刀伏倒地狗遂咋奴頭然因
取刀斬奴以婦付官殺之

續搜神記

符堅為慕容冲所襲堅

馳馬墮澗追兵幾及計無由出馬踟躕臨澗垂鞚與堅
不能及馬又跪而授焉堅攀之得登岸西走廬江

異苑知

太歲之所在燕作巢知戊己

說文

鄧芝射中狼母其子以

葉塞瘡

華陽國志

集疲馬戀君軒

還樂府東武吟

師曠奏清徵之音而玄鵠下舞

謝靈運

擬詩注 混難犬以亂放各識家而竟入

西征賦

蜂蟄蟾蜍

頗亦自負

杜牧之集

攘蟾臂而戰蝸角

唐文粹

本朝可憐蝸角能多少獨與區區觸事爭

臨川集

物有自

得天理者如蜂蟻知衛其君豺獾知祭祖

鳴道集

豺獾祭

天葵藿向陽蜂蟻之有君臣喬梓之有父子

同上

黃蜂衙

退海潮上白蟻戰酣山雨來

談苑

微小有補

予千鈞之重加銖兩而移

家語

管仲隰朋從桓公伐孤竹

春往冬返迷惑失道管仲曰老馬之智可用也乃放老馬而隨之遂得道行山中無水隰朋曰蟻冬居山之陽夏居山之陰蟻壤一寸而仞有水乃掘地遂得水以管仲隰朋之智至其所不知不難師於老馬與蟻今人不知以其愚心而師聖人之智不亦過乎韓非子齊興兵伐楚子發將師以當之兵三却楚賢良大夫皆盡其計而悉其誠齊師愈強於是市偷進請曰臣有薄伎願為君行之子發曰諾不問其辭而遣之偷則夜解齊將軍之

幃帳而獻之于發因使人歸之曰卒有出薪者得將軍之帷使歸之於執事明日又復往取其枕子發又使人歸之明日又復往取其簪子發天使歸之齊師聞之大駭將軍與軍吏謀曰今日不去楚軍恐取吾頭則還師而去故曰無細而能薄在人君用之耳

淮南子

史猶塵加岱嶽霧集淮海雖未有益不為損也

後漢楊倫傳

陶侃為征西大將軍荊州刺史時造船木屑及竹頭悉令舉掌之咸不解正會積雪始晴廳事前積雪猶濕於

是以屑布地及桓溫伐蜀以侃所貯竹頭作釘裝船其

綜理微密皆此類也

晉書

集勿言分寸鐵為用乃長兵

白樂天

水之細者江海假其

深材之短者棟梁資其峻

唐文粹

本朝王安石曰權者與物相為輕重雖千鈞之重物所

加損不過銖兩而移

三朝言行錄

罕得為貴

經有以少為貴者

記禮器

史堯作大章一夔足矣

後漢曹褒傳

傳記黃河千年一清

王子年拾遺記

集王鮪登俎不倣吞波之魚

選演連珠

賈餗為禮部朝士以

進士干賈公不獲有強毀嘲者賈公曰我祇以杜顗敵

數百輩足矣

杜牧之集

才而奇者不獨地上少耶天上亦不

多耶

唐文粹

聖人不世出賢人不時出

同上

本朝黃河千年始一清岐山鳴鳳不再鳴

歐公集

今如晨

星存者幾人孰知我公碩大光明導日而昇燦焉長

庚

東坡集

罕見為異

經此日而食于何不臧

詩十月之交

子田父晨出夜入自以性之恒啜水茹藿自以味之極

一朝處以柔毛絺幕薦以梁肉蘭橘心病體煩

列子夫星

之墜木之鳴物之罕至者也怪之可也

荀子

山出噪陽水

生罔象木生畢方并生獫羊人怪之聞見鮮而識物淺

也

淮南子

去國期年見似人者而喜逃虛谷者聞人足音

登然喜

莊子

史春生秋殺天道之常春一物枯即為災秋一物華即

為異

東漢張敏傳

作奉天宮李善感諫自遂良死無敢直諫

幾二十年及善感始諫天下皆喜謂之鳳鳴朝陽

通鑑唐武

后紀

集邑犬之羣吠今吠所怪也

楚辭

韓愈既自以為蜀之日

而吾子又欲使吾為越之雪不以病乎

柳文卷五中立書

蜀之

南常雨少日日出則犬吠大雪南越數州之犬皆蒼黃

吠噬狂走累日

同上

多不足貴

子荆人不貴玉鮫人不貴珠

符子

史趙王倫篡位奴卒廝役亦加爵位每朝會貂蟬盈坐

故時諺曰貂不足狗尾續

晉書

安祿山反時郭子儀為元

帥大將軍告身一通纔易一醉

通鑑唐紀

傳記鍾山之上以玉抵鵲彭蠡之濱以魚食犬

論衡

黎洞

之人以香代爨

番禺雜記

集物以多為賤雙錢易一束

白樂天

家有千里驥不珍焉

人懷盈尺和氏無貴矣

曹子建書

道大不容

子不容然後見君子

家語

夫子之道大天下莫能容

同上

子

思好大世莫能容

孔子叢

集古來才大難為用

唐文粹

氣逸何人識才高舉世疑

高達

夫

本朝信哉天下奇落落不可拘

歐公集

材大古來無適用

東坡詩物之所受者異則其自處必高自處既高則必趨

然有所不合於世俗

樂城集

小器易盈

子薛譚學謳於秦青未窮青之伎自謂盡之遂辭歸

列子

鷦鷯巢於深林不過一枝偃鼠飲河不過滿腹

莊子

豈如

鷦鷯者一粒有餘資

惠子

渴飲河水入腹不過壺漿

淮南子

史黥布與隨何俱歸漢漢王方踞床洗而召入見布大

怒悔來欲自殺出就舍張御飲食從官如漢王居布又

大喜過望

前漢
布傳

李密曰唐公見推顧天下無可慮者

唐書

本傳

集方當洪爐燃益見小器盈

韓集石
鼎聯句

舍大徇小

子不能三年之喪而總小功之察放飯流歆而問無齒

決是之謂不知務

孟子

殺戎馬而求狐狸援兩鼈而失靈

龜斷右臂而爭一毛折鎡鄒而爭錐刀用智如此豈足

高乎

淮南子

捨茂木而集於枯不弋鵠而弋烏難與有圖

同上

史鄭師慧譏宋曰必無人焉若猶有人豈其千乘之相

易淫樂之矇

左傳襄十五年

師曠曰臣不心競而力爭不務德

而爭善

襄公二十六年

藥貞子曰思小惠而忘大耻

僖公二十八年楚

子伐蔡以息媯歸生堵敖及成王焉未言楚子問之對

曰吾一婦人而事二夫縱弗能死其又奚言

左傳今不獵

猛獸而獵田鼠不搏反寇而搏蓄菟

西漢賈誼傳

方今豺狼

當路而狐狸是先

通鑑漢獻帝紀

羊祜都督荊州有并吞之心

每與吳人交兵尅日方戰不為掩襲之計將帥有欲進
譎詐之策者輒飲以醇酒使不得有言畧吳二兒為俘
者送還其家出軍行吳境刈穀為糧皆計所侵送絹償
之游獵常止晉地若禽獸為吳人所傷而為晉兵所得
者皆封還之晉書魏元忠上封事言理國之要在文與武
今言文者則以辭華為首而不及經綸言武者則以騎
射為先而不知方畧通鑑唐高宗

舍小取大

附忍小圖大
舍短取長

經用人之知去其詐用人之勇去其怒用人之仁去其

貪

記禮
運

子夫章子豈不欲有夫妻子母之屬哉為得罪於父不
得近出妻屏子終身不養焉其設心以為不若是是則
罪之大者是則章子而已矣

孟子

大匠之用木也取其所

長棄其所短故杞梓連抱而有數尺朽良工不棄何也

知其所妨者細也卒成不貲之器

孔子

夫顏啄聚梁父

之大盜也而為齊忠臣段干木晉國之大駟也而為文

侯師孟卯妻其嫂有五子焉而相魏寧其危解其患景陽淫酒被髮而御婦人威服諸侯此四人皆有所短然而功名不減者畧得也

淮南子

亡羊而得牛斷指而免頭

同上

史不以一青掩大德

左傳三十二

曹子為魯將三戰三北而

亡地五百里鄉使曹子計不反顧議不還踵刎而死則亦名不免為敗軍禽將矣曹子棄三北之耻而退與魯君計拉桓公於壇坫之上三戰之所亡一朝而復之若

此者非不能成小廉而行小節也以為殺身亡軀絕世

滅後功名不立非智也故去感忿之怨立終身之名棄

忿捐之節定累世之功

史記魯仲連忍小圖大

管仲不耻身在縲

紲之中而耻天下之不治不耻不死公子糾而耻威之

不信於諸侯

同上

向令伍子胥之世從奢俱死何異螻蟻

棄小義雪大耻名垂於後世

史記伍子胥傳忍小圖大

大行不顧細

謹大禮不辭小讓

史記項羽本記

范增因說項羽曰沛公居山

東時貪財好色今入關財物無所取婦女無所幸此其

志不小

通鑑漢高紀

李斯曰成大功者在因瑕釁而遂忍之

史本傳

季布以勇顯名及至困厄奴僇苟活而不變何也

彼自負其才受辱不羞欲有所用而未足者故終為漢

名將

西漢本傳贊

大漢方制萬里豈其與水爭咫尺之地哉

前地理志

論大功者不錄小過舉大美者不疵細瑕

前漢陳湯傳

班固曰孝文時天下以酈寄為賣友夫賣友者為見利

而忘義也若寄父為功臣而又執刼雖推呂祿以安社

稷誼存君親可也

通鑑漢文紀

韓信為楚王召辱已少年告

諸將曰方辱我時寧不能死死之無名故忍而就此

前漢

本傳

春秋之義以功覆過

通鑑漢宣紀

舉大事者不思小怨

通鑑

光武紀

齊桓忘管仲之奢僭而錄其匡合之大謀漢高舍

陳平之汙行而取其六奇之妙筭

陳書

譬諸射者百發百

中而一失可以謂之拙乎

通鑑晉成帝紀

豈以小疵棄其大德

唐韋思謙傳

蒙耻奮忠以權大謀

唐狄仁傑贊

傳記人有置係蹄者而得虎虎怒決蹄而去虎之情非

不愛其蹄也然而不以環寸之蹄而害七尺之軀者權

也戰國策

集磨劒莫磨錐磨錐成小利

元稹集

吞八荒者不咀蟣蝨

楊偉時
務論

因小失大

經小不忍以致大亂焉

詩

民之失德乾餱以愆

伐木詩

見

小利則大事不成

語子路

小不忍則亂大謀

衛靈公

一朝之

忿忘其身以及其親

語

子養其一指而失其肩背

孟子

一不成而萬有餘喪矣

莊子

爭利如爪甲而喪其掌

荀子

利夫秋豪害靡國家

荀大畧

削

足而適履殺頭而便冠

淮南子

治鼠穴而壞里閭潰小匏

而發瘰疽

同上

是見朱橘一子之蠹因剪樹而棄之覩縻

錦一寸之點乃全足而燔之

劉子

羊羹偏而宋師敗邱孫

以鬪雞身亡齊侯以笑嬪破國

列子謹案

史宋華元殺羊食士其御羊斟不與及戰曰疇昔之羊

子為政今日之事我為政與入鄭師故敗君子謂羊斟

非人也以其私憾敗國殄民

左宣公二年

一慙之不忍而終

身慙乎

昭三十一年

爭尋常以盡其民

成十二年

初武城人拘鄆

人之漚管者曰何故使吾水滋及吳師至拘者道之以

伐武城克之

哀公年並左傳

石祈子曰得一夫而失一國與惡

而棄好非謀也

左莊公

晉使郤克於齊郤克僂齊頃公母

從樓上觀而笑之郤克怒曰不報齊者河伯殛之後與

魯衛共伐齊

史記

褒姒不好笑幽王為烽燧大鼓有寇至

則舉烽火諸侯悉至至而無寇褒姒乃大笑幽王悅之

為數舉烽火其後不信諸侯蓋亦不至

史記周本紀

有嬖者

槃散平原君美人笑之嬖者至平原君門曰士不遠千里而至者以君能貴士而賤妾也願得笑臣者頭平原君不殺歲餘賓客舍人稍稍引去者過半

史本傳

陶朱公

中男殺人囚於楚朱公遣長子為一封書遺故所善莊生進千金長男至莊生家莊生非有意受之也欲以成事後歸之莊生入見楚王言某星宿某害楚王乃封三錢之府楚貴人告長男曰王且赦長男以為赦弟固當出也重千金虛棄莊生無所為也乃復見莊生曰初為求

兄弟今議自赦故辭生去莊生知其意欲復得金曰若
自入室取金長男即自入室取金持去莊生羞為兒子
所賣乃入見楚王曰臣前言某星事王言欲以脩德報
之今臣出道路皆言陶之富人朱公子殺人囚楚其家
多持金錢賂左右故王非能恤楚國而行赦乃為朱公子
故也楚王大怒令論殺朱公子明日下赦史楚世家規小節
者不能成榮名惡小耻者不能立大功史魯仲連傳以二卵
棄干城之將通鑑戰國翫細娛而不圖大患西漢賈誼傳爭睚眦

之隙以成千鈞之讐

東漢趙溫傳

庾悅尉饌甚盛不及劉毅

從悅求子鵝炙悅不與毅由是銜之解悅都督

通鑑晉安紀

石崇有妓曰綠珠美而艷善吹笛中書令孫秀使人求

之崇勃然曰綠珠吾所愛不可得也秀怒乃勸趙王倫

誅崇詔收之

晉書

楚之邊邑脾梁之女與吳邊邑處女蠶

爭界上之桑二家相攻吳國不勝遂更相伐滅吳之邊

邑吳怒伐楚取二邑而去

吳越春秋

傳記以一杯羊羹亡國

戰國策

忽爨之未熟覆甑而棄之

所害多矣

物理論

集失意杯酒間白刃起相讐

選少年行

惡衣之垢而焚之患

木之蠹而伐之其為害豈不益多哉

通鑑唐昭宗紀

因小累大

經不矜細行終累大德為山九仞功虧一簣

書旅焚

子曰

士志於道而耻惡衣惡食者未足與議也

語里仁

子百發一失不足為善射千里跬步不至不足為善御

荀子千里之堤以螻蟻之穴漏而百尋之屋以突郤之爍

焚

淮南子

以分寸之瑕弃盈尺之夜光以蟻鼻之缺損無

價之淳鈞

抱朴子

史一舉不得前功盡廢

史周紀

東方朔割名於細君

西漢揚雄

解嘲顏師古曰以肉遺細君是割損其名互入妻門

三公鼎足承君一足不任則

覆亂美實

西漢彭宣傳

北朝周樂遜曰恭劫相持爭行先後

君一行不當或成彼利

通鑑

李泌有謀畧而好談神仙說

誕故為世所輕

唐德宗

高弘本正衙奏事自理逋債詔公

卿庶僚自今勿令正衙奏事議者以為正衙奏事自武

德以來未之或改所以達羣情講政事弘本無知黜之

可也不當因人而廢事

唐順宗

時承平日久子弟為武官

父兄擯不齒猛將精兵皆聚於西北邊中國無武備矣

通鑑唐
玄宗紀

集玉卮無當

去聲
底也

雖寶非用

張平子
南都賦

京師人多言足下

家有積貨士之好廉名者皆畏恐不敢道足下之善

柳文

賀王參元
失火書

朱絃二十五闕一不成曲

劉賓客

得一時之貴

滅百世之族

杜牧

因大陋小

子仲尼之徒無道桓文之事者是以後世無傳焉

孟梁惠王

上登東山而小魯登太山而小天下故觀於海者難為

水游於聖人之門者難為言

盡心下

升東岳而知衆山之

迤邐也

列子

由天地之道觀惠施之能其猶一蚊一蚋之

勞者也

莊子

自以此形於天地而受氣於陰陽吾在於天

地之間猶小石小木之在大山也方存乎見小又奚以
自多計四海之在天地之間也不似壘壘之在大澤乎

計中國之在海內不似稊米之在太倉乎

莊秋水

射者扞

烏號之弓彎碁衛之箭重之羿逢蒙子之巧以要飛鳥

猶不能與羅者競多何則以所持之小也

淮南子

窮鄉之

社扣甕拊鉦相和而歌自以為樂也嘗試為之擊建鼓

撞巨鐘乃知夫瓮鉦之足羞也

同上

魚失水則死水失魚

猶為水也

墨子大
不做小

升東岳而知衆山之崩

左紙切

巍

移迹切

也況介丘乎浮滄海而知江河之惡沲也況枯澤乎

揚

子仰聖人而知衆說之小也視日月而知衆星之蔑也

楊子仰天庭而知天下之居卑也同觀崑崙則覺丘垤之

卑抱朴子聞雷霆而覺布鼓之陋見巨鯨而覺寸介之細

同上

史思唐虞於上古乃知小道足羞也荀悅傳夫置器廣庭

則函牛之鼎如釜堂崇十仞則八尺之人猶短隋天文志聽

黃鍾之音知擊缶之細習庠序之教知不學之困徐幹中論

傳記釣大鼃者不投取魚之餌斷長鯨者馬用割雞之

刀南唐野史小才不可大用

集浮海難為水游林難為觀選詩文章薄伎固棄於高賢

刀筆小能不容於先達陳子昂集鴻鍾在聽不足論擊缶之

音大牢斯烹安可薦藜藿之味同上試登山岳高方知草

木微孟東野宗蘭散馥掩蕭艾於芳春朗月揚輝蕩雲霧

於清夜唐文粹如河入海無復水名劉賓客集明庭集孔鸞曷

取於鳬鷺樹以松與栢不宜問蒿藜韓文

本朝登太山者小天下在培塿以宜慙奏咸池而張洞

庭非哇咬之可度歐公集

因小見大

經觀其舞知其德

記樂

居家理故治可移於官

孝經

子射者扞烏號之弓彎棊衛之箭重之羿逢蒙子之巧以要飛鳥猶不能與羅者競多何則以所持之小也張天下以為之籠因江海以為之罟又何亡魚失鳥之有

乎

淮南子

集求忠臣於孝子求良婦於篤女食子盡節也推其忍

可以疑心放麇違命也推其仁可以屬國

劉賓客

本朝夫人君用人欲其忠信於己必取仁於父兄信於師友然後付之以事故放麇違命也而推其仁則可以托國食子徇君也而推其忍則至於弑君

樂城集

小巫見大巫

子公孫龍問於魏牟曰龍合同異離堅白困百家之智窮衆口之說吾自以為至達已今聞莊子之言無所開吾喙口喏

起據切開也

而不合舌舉而不下乃逸而走

莊子

巫見大巫拔茅而棄

唐歐陽率更以為出於莊子今攷不見但應帝王篇疏中一云豈小

巫能測又云小巫近見不能測遠

鄭有神巫曰季咸知人之死生禍福

期以歲月若神列子與之見壺子立未定自失而走

莊子

兩爵相與鬪未有死者也鸛鷹至則為之解

淮南子兵畧訓

史孔子為春秋筆則筆削則削子夏之徒不能贊一辭

史記孔子世家

漢有善射曰樓煩項羽嗔目叱之樓煩目不能

視手不能舉發走還入壁不敢復出

項羽本紀

張紘見陳琳

武庫賦與琳書深嘆美之琳曰可謂小巫見大巫神氣

殫矣

吳志互入驕矜

大鵬從南來衆鳥皆戢翼

晉書

老羆當道卧

羅子那得過

北史王
羅傳

集湛露之晞朝陽衆星之拱北辰

楊雄甘
泉賦

西施且一笑

衆女安得妍

韋應
物集

龍騰魚鼈蹕然驚驥盼驢騾少顏色

元稹
集

蹇驢避路立肥馬當風嘶

唐文
粹

舌端萬變乘春輝

南方朱鳥一朝見索漠無言蒿下飛

賓客百
舌詞

和風既揚

昏祲自歛

陸宣
公文

小不足以知大

經公山弗擾以費畔召子欲往子路不悅曰未之也已

何必公山氏之之也子曰夫召我者而豈徒哉如有用

我者吾其為東周乎

語

子見南子子路不悅

同上

子君子之所為衆人固不識也

孟子告子下

智者之言固非愚

者之所曉

列子

井蛙不可以語海夏蟲不可以語冰

莊子

朝

菌不知晦朔蟋蟀不知春秋

莊子逍遙遊

淺不足與測深愚不

足以謀知井蛙不可語東海之樂

荀子正論

量粟而舂數米

而炊可以治家而不可以治國

淮南子

使桀度堯猶以升

量石也

同上

史燕雀安知鴻鵠之志哉

史記陳世家

公等喁喁何知長者

史記曰

語曰以管窺天以蠡測海以筵撞鐘豈能通其

條貫考其文理發其聲音哉

前東方朔傳

夫移風易俗使天

下回心鄉道者類非俗吏之所能為也

賈誼傳

以管窺天

豈能照一隅

後漢

操遣使辟田疇戒其門下趣治嚴

門人曰昔袁公慕君禮命五至君義不屈今曹公使一

來而君若恐弗及者何也疇笑曰此非君所識也

通鑑漢獻

紀子貢曰臣終身戴天不知天之高也終身踐地不知

地之厚也臣事仲尼如飲江海腹滿而去又安知江海

之深乎

韓詩外傳

翦蒼之翔無以論垂天之凌蹄涔之游無

以知絳虬之騰鈞天之庭豈伶人之所躡

山海經序

集尺寸之魚豈能量江海之大

選對楚王問

借問蜉蝣輩寧

知龜鶴年

郭景純游仙詩

小人自齷齪安知壯士懷

放歌行

二禽

已登於寥廓而尺鷃之輩空見笑於藩籬

李白大鵬賦

丈夫

志氣事兒女安得知

劉禹錫作呂溫文集序見呂科叔文

坐井而觀天曰

天小者非天之小也

韓文原道

衆鳥那知一鷃情

方雄飛詩

炯若

深井之下仰視白日之正中也

唐文粹

大凡受褊狹者不

可以語大持盃榼而承澍雨自滿而止又安能測其霧

霈之所至哉

元微之集

斗水不能評巨壑之量隙光未足議

大明之體何者見褊而守隘也

張說之大

本朝蜉蝣蔽朝夕蟋蟀知春秋

臨川集

蟻蝶何足知天高

同上鷄疑鵬萬里蛇笑夔一足

東坡詩

小不足以處大

乎故夫牛蹄之涔不能生鱣鮪而蜂房不容鵠卵小形

不足以包大體也

淮南子

牛蹄之涔無尺之鯉顏府之山

無丈之材何也皆其營守狹小而不能容巨大

淮南子

坎

井之無龜鼃隘也

江湖鱣鯨非溝瀆所容也 蹄窪

之內不生蛟龍培塿之上不植松栢

列子

史部婁無松栢

左襄二十四

尋常之汙瀆兮豈容吞舟之魚

西漢賈誼傳

枳棘非鸞鳳所棲百里豈大賢之路

東漢仇覽傳

傳記坎井無龜鼃

談苑

華譚曰枯澤非應龍之淵棘林非

鸞鳳之窟

晉中興書

集清源無增瀾安得運吞舟

選郭景純遊仙詩

井谷不可以遊

龜龍蟻垤不可以栽松栢

唐文粹

蹄窪之內不生蛟龍

韓文

大魚豈肯居沮洳

同上

本朝尺水無長瀾蛟龍豈其容

歐公集

合抱之木不生於

步仞之丘千金之子不出於三家之市

東坡文

勺水安足

容神龍乎

東都事畧

濁水難藏許氏龍

贈參寥子詩

大才小用

史宋義曰搏牛之蝱不可以破蟣蝨

史記項羽本紀

蔣琬除廣

都長衆事不理先主將加罪諸葛亮曰蔣琬社稷之器

非百里之才也

蜀志蔣琬傳

吳魯肅遺先主書曰龐士元非

百里才使處治中別駕之任始當展其驥足耳

蜀志

集執棠谿以制蓬萊干將以割肉

皆利劍也

破荆和以繼築

楚辭

一旅之衆不足以揚名

選書

胡為射小盜此用無乃輕

徒沾一點血虛污箭頭腥

白居易

屈長才於短用者猶騎

搏鼠而鋒剪毛也

白居易策審官

函牛之鼎以烹小雞

劉賓客

烹雞屈函牛之量

駱賓王

君有百鍊刀堪斷七重犀

誰開太阿匣持割武城雞

張九齡

以赤刃效小割

皇甫湜集截

榛為樽櫨斷楹以為椽

韓文

將吾劒首切於泥

盧仝

本朝不惜牛刀時一割已因鼯鼠發千鈞

藥城集

小才不足大用

經子曰德薄而位尊智小而謀大力小而任重

易繫辭

子細枝拳曲不可以為棟梁

莊子

賈精於市不可以為賈

師農精於田而不可以為田師

荀子此係小才不可大用

史費充伐吳秦秀曰充文案小才居國大任

三國志

鈞大

鼃者不投取魚之餌斷長鯨者焉用割雞之刀

南唐野史小才

不可
大用

集染稅之才不荷棟梁之任

班叔皮王命論

任小能於大事猶

狸搏虎而刀伐木也

白居易小才大用

本朝以尋尺之材居棟梁之任以升斗之量受鍾鼎之

藏

藥城集

勇大怯小

經陵三軍者或懼於朝廷之儀暴威武者或困於酒色

之娛

易畧
例上

史秦民勇於公戰怯於私鬪

通鑑周
顯十年

漢高祖不能將兵

而善將將

西漢韓
信傳

諸部曰劉將軍平生見小敵怯今見

大敵勇甚可怪也

東漢光
武紀

君材簡畧堪大不堪小

晉書
劉卞

傳

集孔子於鄉黨恂恂如也遇陽虎必曰諾而其在夾谷

也視叱齊侯類蓄狗不震乎其內

柳文

不及於一國而被

於天下不洽於一時而沛于萬世

皮日
休

名聞天下而不

達於堂上智周萬物而不適乎一人

文粹

本朝尹師魯凡事有小而可矜者必惻然不忍發見顏貌及臨大節斷大事則心如金石雖鼎鑊前列不可變

也

歐公集五見
深識大体

積輕勝重

子金重於羽者豈謂一鈞金與一輿羽之謂哉

孟告
子下

鴻

義情輕積之沈舟魯縞質薄疊之折軸

列子

史積羽沈舟羣輕折軸

史記張儀傳

集衆輕積而折軸

文集

將輕易重

子齊宣王見牽牛而過堂下者王曰以羊易之孟子曰

王無異於百姓之以王為愛也以小易大

孟子梁惠王

史鄭伯以璧假許田

左桓公元年

孟佗以葡萄酒一斛遺張

讓即拜佗涼州刺史

後漢

舉重明輕

經其所厚者薄而所薄者厚未之有也

大學

子忠孝者百行之寶忠孝不脩雖有他善猶玉屑盈匣

不可琢為珪璋

列子

史周不愛鼎鄭敢愛田

左昭十二年

有盜高廟坐前玉環文

帝欲族之張釋之曰假令愚民取長陵一杯土陛下且

何以加其法乎

西漢張釋之傳

劉陶曰萬人鑄之一人奪之猶

不能給况一人鑄之萬人奪之

通鑑東漢

陳思王曰寒者不

貪尺玉而思短袍饑者不顧千金而羨一食物時有所

急也

後漢賈思勰齊民要術五事窮勢迫

本朝夫以英雄之才尚有溺情愛而不能自守况弱柔之人其能勝妻子之情乎

伊川家
人卦解

舉輕明重

經與其殺不辜寧失不經

書

喪禮與其哀不足而禮有

餘也不若禮不足而哀有餘也祭禮與其敬不足而禮

有餘也不若禮不足而敬有餘也

記檀弓

與其有聚斂之

臣寧有盜臣

記大學

非專為飲食也為行禮也

鄉飲酒義

爾愛

其羊我愛其禮

語

子寧百刺以針無一刺以及寧一引重無久持輕寧一

月饑無一旬餓

淮南子

史施衆網以加一禽尚不能得况張千目以羅萬品而

望盡出乎其間可得哉

唐元稹傳

漢武帝置協律歌天瑞非

不美也不能免哀痛之詔王莽建義和考律呂非不精

也不能救漸臺之禍晉武帝制笛尺調金石非不詳也

不能弭平陽之災梁武帝立四器調八音非不察也不

能免臺城之辱然則雖韶夏濮武之音具存於世苟其

餘不足以稱之曾不能化一夫況四海乎

通鑑唐太宗

傳記今為濡足之故而不救人溺乎

劉向新序

昔孔子力可

翹闕不以力稱何則大聖之德具美者衆不可以一介

末事持為百行端首

史通

集日受千金之賜一歲九遷其官感恩則有之矣將以

稱於天下曰知己則未也

韓愈上張建封書

萬不試而一出焉

猶為當世甚重若使幸得出其十二三則巍然為偉人

與世無窮其可涯也

柳文

物極則反

經責者飾也致飾然後亨則盡矣故受之以剝剝者剝

也物不可以終盡剝窮上反下故受之以復易序卦泰者

通也物不可以終通故受之以否同上無平不陂無往不

復泰卦互入敬戒樂極則憂記樂子游曰事君數斯辱矣朋友

數斯疏矣語里仁甚美必有甚惡左昭二

子其進銳者其退速孟子盡心上美好者不祥之器老子刻核

太至則必有不肖之心應之莊子人衆者勝天天定亦能

應人

荀子

千歲必反古之常也

荀子

物盛而衰樂極則悲

淮南

子烟生於火而烟鬱火冰生於水而冰過水故烟微而

火盛冰泮而水通

列子

史防民之口甚於防川壅而潰傷人必多

國語

滿而不

損則覆盈而不持則傾

史記

物盛則衰時極則轉

史記

平

酒極則亂樂極則悲萬事盡然言不可極極之而衰

史記

稽傳

失失者滅隆隆者絕

西漢

楊雄傳

秦為宮室之麗至於此

使其後世曾不得聚廬而托處焉為馳道之麗至於此

使其後世曾不得邪徑而托足焉為葬埋之侈至於此

使其後世曾不得蓬顯蔽冢而托葬焉

西漢賈山傳

高位實

疾顛辱味實腊毒

前漢

權族好傾

東漢陰興贊

昔戰國之世處

士橫議列國之主至為擁篲先驅卒有坑儒燒書之禍

東漢申屠蟠傳

貧生於富弱生於強危生於安

王符傳

峻高者潰

葉茂者摧日中則移月滿則虧

吳越春秋

集歡樂極兮哀情多

漢武帝秋風辭

盛時一去貴反賤桃李榮

扇安可常

柳文

至損當受益苦寒必生溫

韋應物

本朝東漢之末尚節行太甚須有東晉放曠其勢必然

鳴道集

美物必甚惡厚味生五兵

黃魯直

物無遁形

經權衡誠縣不可欺以輕重繩墨誠陳不可欺以曲直

規矩誠設不可欺以方圓

記經解

子聽其言也觀其眸子人焉廋哉

孟子離婁上

水靜則明燭

鬚眉

莊天道

高垂大鏡坐見四隣

淮南子

史清水明鏡不可以形遁

韓安國傳

集登鍾山藍田之上則夜光璠璣之珍可觀矣

文選李蕭遠運

命論

物薄用重

經東隣殺牛不如西隣之禴祭實受其福

易既濟

樽酒簋

貳用缶納約自牖終無咎

坎卦注明信顯著不存外飾雖復一樽之酒二簋之食瓦

缶之器納此至約自進於牖乃可以羞之於王公薦之於宗廟

茅之為物薄而用可重

也

易繫辭

黍稷非馨明德惟馨

書君陳

洞酌彼行潦挹彼注

茲可以饔飱

詩

子貢欲去告朔之餼羊子曰賜也爾愛

其羊我愛其禮

語

祭服敝則焚之祭器敝則埋之

記曲禮上

夫禮之初始諸飲食其燔黍捭豚汙尊而抔飲蕢桴而

土鼓猶若可以致其敬於鬼神

禮運

君子不以菲廢禮

坊記

子魯有儉嗇者瓦甒煮食食之自謂其美盛之土斲之

器以進孔子孔子愛之歡然而悅如受太牢之饋子路

曰瓦甒陋器也煮食薄膳也夫子何喜之子曰吾非為

饌具之厚以其食厚而我思焉

家語

宋國有田夫常衣縵

黻僅以過冬暨東作自曝於日顧謂其妻曰負日之暄

人莫知者以獻吾君

列子

史苟有明信澗溪沼沚之毛蘋蘩蒹藻之菜筐筥錡釜之器潢汙行潦之水可薦於鬼神可羞於王公

左隱三年

潦之蘋藻季蘭尸之敬也

左襄二十八年

本朝鵝毛贈千里所重以其人

歐公集

假物為用

經譬如中夜有求於幽室之中非燭何見

記仲尼燕居

子假輿馬者非利足也而致千里假舟楫者非能水也

而絕江河善倣於物也

荀子

造父者天下之善御也無輿

馬則無所見其能羿者天下之善射也無弓矢則無所

見其巧

儒

効弓矢不調則羿不能中六馬不和則造父不

能以致遠

議兵

必將倣物以為用者也

荀子

行海者坐而致

越有舟也行陸者立而至秦有車也

慎子

傳記鴻毛之囊可以渡江

淮南五華術

以物制物

經惟木從繩則正

書說命

伐柯如之何匪斧不克

詩齊南山

析

薪如之何匪斧不克

同

衡之於輕重也繩墨之於曲直

也規矩之於方圓也

記經解

子木受繩則直金就礪則利子火炎上而受制於水水

趨下而得志於火

文中子

史度長短者不失毫釐量多少者不失圭撮權輕重者

不失黍絛

西漢律歷志

衡者所以平萬物權者所以權萬物

也

同上

攻玉以石洗金以鹽濯錦以鹵浣布以灰

王符傳

良

工須利器巧匠待繩墨

晉阮種傳

物產有地

經橘逾淮而北為枳貉逾汶則死

周禮考工記

燕之角荆之

幹姁胡之筍吳粵之金錫鄭之刀宋之斤魯之削吳粵

之劍

同上

子探明珠不於合浦之淵不得驪龍之夜光也攻美玉

不於荆山之岫不得連城之尺璧也

抱朴子祛惑論

史屈產之乘垂棘之璧

左傳元年

深山大澤實生龍蛇

昭十四

地之饒者雖有善種不能生焉江皋河瀕雖有惡種無

不猥大

前漢賈山傳

傳記採明珠求之於蚌或割百蚌不得一珠不可捨蚌

求之於魚

長沙耆舊傳

集渡江之橘逾汶之貉反時易性安能長

元稹集

黃流玉

瓚之寶產於深山清廟廡屋之材秀於中林

李義山文

如崑

丘玄圃積玉相照景山鄧林凡木不殖

同上

本朝要覓明珠須巨海欲求良玉必崑山

邵堯夫

物各有宜

經宗廟之器可用也而不可使其利也

記郊特牲

予夏日不煬非愛火也冬日不盥非愛水也為不適於

身不便於體也

管子

天雄烏喙藥之凶毒也良醫以活人

侏儒瞽師人之困憊者也人主以備樂

淮南子厭甫繆稱訓面面

在

頰則好在顙則醜綉以為裳則宜以為冠則譏

同上說林訓

蓬不可以持屋

柱不可以刺齒

廣堂厦屋連闥通

房人之所安也鳥入之而憂高山險阻深林叢薄虎豹

之所樂也人入之而畏川谷通原積水重泉鼃鼃之所

便也人入之而死咸池承雲九韶六英人之所樂也鳥

獸聞之而驚深谿峭岸峻木尋枝猿狖之所樂也人上

之而慄

齊俗訓

馬不可以服重牛不可以追速鈎不可以

為弩鐵不可以為舟木不可以為金各有之於其所適

施之於其所宜 譬如斤鉞椎鑿之各有所施也 予

拯溺者金玉不若得尋丈之繩

以上淮南子

水行莫如用舟

陸行莫如用車以舟之可行於水也而求推之於陸則

沒世不行尋丈

莊子

梁麗可以衝城而不可以窒穴言殊

器也騏驎驛騶一日而馳千里捕鼠則不如狸狴言殊
技也鵠鵠夜撮蚤察毫末晝出瞑目而不見丘山言殊
性也上同故救餓者以員寸之珠不如與之橡芋貽溺者
以方尺之玉不如與之短綆各在其所急也子列百代之
傳寶以之彈鳥則曾不如泥丸之勁也棠谿之劍天下
之銛也用之穫穗曾不如鈎鎌之功也子列

史孫思邈曰膽欲大而心欲小智欲圓而行欲方

唐

書

傳記珠彈不如泥丸各有所用也

前東方朔傳

尺有所短寸

有所長驂騑騷天下之俊馬也使之與狸鼯試於釜

竈之上其疾未必能過狸鼯也黃鵠白鶴一舉千里使

之與燕服翼試於堂廡之下廬室之間其便未必能過

燕服翼也

劉向新序

和氏之璧價重千金然以之間紛曾不

如瓦磚隋侯之珠國之寶也然用之彈鵲曾不如泥丸

騏驎耳倚衡負軛而趨一日千里此至疾也然使捕

鼠曾不如狸狌將鎔鄒拂鍾之錚試物不知此至利也

然以之補履曾不如錐

說苑

集鼎也不足使柱車馬也不可使守閭佩玉長裾不利

走趨

韓文

物莫兩大

附勢不兩立

子兩堯不能相王

管子

凡物不並盛陰陽是也

韓非

兩貴

之不能相事

荀子

近君威損遠君則勢盛

一淵不兩

蛟一棲不兩雄一則定兩則爭

淮南子

日月不並出狐不

二雄神龍不匹猛獸不羣鸞鳥不雙

說林訓

月望日奪

其光陰不可以乘陽也日出星不見不能與之爭光也

淮南子

史都城過百雉國之害也

左隱元

越之不為沼吳其泯矣

一哀十崔之薄慶之厚也

襄二十七

松柏之下其草不殖

襄二十九

年鄰之厚君之薄也

僖十二

內寵並后外寵貳政嬖予配

適大都偶國亂之本也

閔二

物莫能兩大陳衰此其昌乎

莊十二師服曰國家之立也本大而末小是以能固故天

子建國諸侯立家卿置側室大夫有貳宗士有隸子弟

庶人工商各有分親皆有等差是以民服事其上而下

無覬覦

左桓公二年

蘓秦說楚王曰楚強則秦弱秦強則楚

弱其勢不兩立

通鑑

兩雄不俱立

史鄺生傳

趙奢曰如兩虎鬪

於穴中將勇者勝

史同上

藺相如曰如兩虎共鬪勢不俱

生

史同上

讒邪進則衆賢退羣枉盛則正士消

通鑑漢元紀

死

者復生生者不愧吾欲全吾言安得全吾身

通鑑周紀

是時

外戚貴千萬者少故少府水衡見錢多也

西漢王嘉傳時水衡錢二

十五萬石少府錢十八萬石

事勢不兩大王氏與劉氏亦且不並立

如下有泰山之安則上有累卵之危

劉向傳

戴盆望天事

不兩施

通鑑漢章紀

虞舜先除四凶然後用十六相明惡人

不去則善人無由進也

同上漢靈紀

若客有泰山之安則主

有累卵之危

同上漢獻紀

勢疑則隙生力侔則亂起

東漢馬武傳

天下之勢猶持衡此首重則彼尾輕矣

唐李石傳

正必去邪

邪必害正

唐李德裕傳

傳記天地至貴精不兩明

注天精為日地精為月孝經援神契

意不並銳

事不兩隆盛於彼者必衰於此長於左者必短於右喜

夜卧者不能早起也

說苑

四時不並盛五行不俱馳陰陽

更唱氣有盛衰

吳越春秋

集日不雙麗世無兩帝

選魏都賦

燕秦不兩立

柳傳

本朝昔師丹之說行則董宏坐其罪董宏之論勝則師

丹廢於家

呂誨論歐陽脩第一狀

兩不相下

子彼亦一是非此亦一是非

莊子齊物論

史君子稱其功以加小人小人伐其技以憑君子

左傳五見

驕矜

季郈之雞季氏介其雞郈氏為之金距

左昭二

秦之

羣臣曰請以趙十五城為秦王壽藺相如亦曰請以秦

之咸陽為趙王壽

史同上

韓安國坐枉法獄吏田甲辱之

安國曰死灰不復然乎甲曰然則溺之

西漢同上

猶連雞之

不能俱止於棲也

戰國策

臧洪後陳琳書曰子謂余身死

而名滅僕亦笑子生而無聞

通鑑漢獻紀

單于春謂管輅曰

吾欲自與卿旗鼓相當於是論難鋒起而輅谷對之皆

有餘

魏志五見談辨

董卓按劍叱袁紹曰豎子敢然天下之事

豈不在我我欲為之誰敢不從爾謂董卓刀為不利乎

紹勃然曰天下健者豈惟董公引佩刀揖徑出

通鑑

劉琨

祖逖並有英氣每相謂曰若四海鼎沸豪傑並起吾與

足下當相避於中原

晉書祖逖傳

石勒謂李陽曰孤昔日厭

卿老拳卿亦飽孤毒手

晉書梅陶鍾雅數說事祖納輒困

之因曰君汝穎之士利如錐我幽冀之士鈍如槌持我

鈍槌捶君利錐皆當摧矣陶雅並稱有神錐不可捶納

曰假有神錐亦有神槌

晉書祖納傳互見滑稽敏於應對門

孫綽性通率

好譏調常與習鑿齒俱行綽在前顧謂鑿齒曰沙之汰

之瓦石在後鑿齒曰簸之揚之糠粃在前

同上孫綽傳

釋道

安高才與習鑿齒相見道安曰彌天釋道安鑿齒曰四

海習鑿齒

同上

鍾會聞嵇康名而造之康不為之禮會將

去康曰何所聞而來何所見而去會曰聞所聞而來見

所見而去

晉世祖通鑑

盧循遺劉裕益智粽裕報以續命湯

同上晉安記

陸雲與荀隱未相識嘗會張華坐華曰今日相

遇可勿為常談雲因抗手曰雲間陸士龍隱曰日下荀

鳴鶴

同上

沈昭畧性狂見王約曰汝是王約也何以肥而

癡王約曰汝是沈昭畧也何乃瘦而狂

宋書

南牙北司互

相矛盾

通鑑唐懿宗紀

韓熙載奔吳密告其友汝陰進士李穀

穀送至正陽痛飲而別熙載謂穀曰吳若用吾為相當

長驅以定中原穀笑曰中原若用吾為相取吳如探囊

中物耳

同上唐明宗紀

傳記殷浩語孫安國曰卿莫作強口馬我當穿卿鼻孫

曰卿不見決鼻牛人當穿卿頰

世說

各自彈射互相瘡痕

史通

集持棊相下莫敢先動猶楚漢之兵相距鞏索也

韋應物論

勢

下之人負其能不肯諂其上上之人負其位不肯顧

其下故高才多戚戚之容盛位無赫赫之光

韓文

文人相

輕自昔而然

魏文典論

本朝宋袁淑文冠當時見謝莊鸚鵡賦曰江東無我卿

當獨秀我若無卿亦一時之傑也

續世說

王文公見東坡

醉白堂記曰乃是韓白優劣論東坡聞之曰不若介甫

處州學記乃學校策耳

西清詩話

兩不相入

經道不同不相為謀

語

子顏回曰薰蕕不同器而藏堯桀不共國而治

家語致思

奔

蜂不能化藿蠋越雞不能伏鵠卵

莊子庚桑楚

大聲不入於

里耳

同上天地

黃鍾大呂不從煩奏之舞

列子

或曰孔子讀而

儀秦行曰甚矣鳳鳴而驚翰也

揚淵騫

金鈎玉餌雖珍而

不能制九淵之沈鱗顯寵豐祿雖貴而不能致無欲之

人抱朴子盤旋揖遜非禦寇之容環甲纓冑非廊廟之飾

上軒車不可以適越冠冕不可以之胡文中子

史淳于髡曰狐裘之敝不可補以黃狗之皮史齊世家世之

學老子者則絀儒學儒學亦絀老子道不同不相為謀

史老于傳孟軻曰持方枘欲納圓鑿其能入乎史孟軻傳猶戎翟

之與於越不相入明矣注闕猶以鄉飲酒之禮理軍

市也前梅福傳以水投石莫之受也西門造蕭何律於唐虞之

世則諄矣作叔孫通儀於夏商之世則惑矣建婁敬之

策於成周之世則謬矣談范蔡之說於金張許史之間

則狂矣

楊雄傳

夫邪正之人不宜共國亦猶冰炭不可同

器

通鑑漢靈紀

李德裕曰正人指邪人為邪邪人亦指正人

為邪

同上唐文宗紀

南衙北司互相矛盾

同上唐懿宗紀

李綱曰臣言

如持水納石

唐書

時不容我我不時徇

同上

傳記崔篆曰吾聞伐國不問仁人戰陣不訪儒士

東觀漢紀

加粉黛於壯夫服紃綺於高士

劉知幾史通

軍容不入國

容不入軍

司馬法

集圓鑿而方枘吾固知其齟齬而難入

宋玉九辨

冰炭其不

可以相並兮方圓之異形勢不可相錯茶薺不同畝

同上

虐暑熏天不減堅冰之寒涸陰凝地無累陵火之熱

選演

連珠巢鷺不接翼

運命論

代馬不思越越禽不戀燕

李太白

君

平既棄世世亦棄君平

同上

古詩淡無味不稱今人情

樂白

天鍾梵避笙歌

同上

還似今朝歌酒席白頭翁入少年場

繁絲與促管不解換漁歌

濁水清塵難會合

同上

下

有矜乎能有矜乎位雖恒相求而不相遇

韓大

蘭艾不

同香自然難為和

孟東野

市井不容義 乃知田家春不

入五侯宅

同上

一薰一蕕善齊不能同其器方鑿圓枘良

工無以措巧心

唐文粹

本朝先生善鼓瑟齊國好吹竽操竽入齊人雅鄭亦復

殊

臨川集

世好競辛鹹古味殊淡泊

歐公集

古貨今難賣

花開少年事不入老夫目

同上

學古居今持方入圓

同上

君

子小人如水炭決不可以同器

東坡荅黃魯直書

不應太玄草

晞價咸陽市

山谷

古來賢達人不爭咸陽市 落落與時

背山谷
詩

強不敵衆

史張儀說趙曰大王收率天下以擯秦秦兵不敢出函

谷闕

通鑑周報
王十五年

傳記麋鹿成羣虎豹避之飛鳥成列鷹鶚不擊

說苑劉裕

謂沈田子曰猛獸不如羣狐卿等十餘人何懼王鎮惡

通鑑
晉安

集猛虎雖云惡亦各有朋儕羣行深谷間百獸望風低

自矜無當對氣性縱以乖匹儕四散走猛虎還孤棲狐
鳴聞四旁鳥鵲從噪之出逐猴入居虎不知所歸誰云
猛虎惡中路正悲啼豹來銜其尾熊來攫其頤猛虎死
不辭但慙前所為

韓文

因文致窮

集相如逸才親滌器子雲識字終投閣

杜詩

但看古來盛

名下終日坎壈纏其身

本賣文為活翻令室倒懸

文章憎命達

杜詩

詩人多蹇如陳子昂杜甫各授一拾遺

而述剝至死李白孟浩然不及一命窮悴終身近日孟

郊六十終協律郎張籍五十未離一太祝

白樂天

愛詩愛

酒愛琴客多賤多愁多苦辛中散步兵終不貴孟郊張

籍過於貧

同上

詩人多蹇厄

文士多數奇詩人尤命薄

方知自殘者為有好文章

不用更教詩過好折吾

官職是聲名

同上

六經作孔子削跡不粒矣孟子述子與

坎坷齊魯矣馬遷以史記禍楊雄以太玄法言窮杜甫

李白王江寧皆相望於窮者也

孫可文

吾聞淫畋漁者謂

之暴天物天物既不可暴又可撻刻削露其情狀乎使
自萌卵至於槁死不得隱伏能不致罰耶長吉死東野
窮玉谿生不掛朝籍而死正坐是哉

陸魯望

倚詩為活計

從古無多肥

孟東野

本朝至於文人其窮也固宜勞心以耗神盛氣以忤物
未老而先病無惡而得罪鮮不以文者

東坡邵茂誠詩集序

詩人

例窮蹇秀句出寒餓

東坡詩

騷人長負一秋悲

詩人固

長貧 古來百巧出窮人

詩從肺腑出出輒愁肺腑

並同上

好衣不近節士體梁肉似怕腹中書

魯直

管城子無

食肉相

同上

因才取禍

子夫粗梨橘柚果蓏之屬實則熟剝則辱大枝折小枝
泄此以其能苦其生者也故不終其天年而中道天自
拊擊於世俗者也物莫不若是

莊子人問世

豐狐文豹棲於

山林伏於巖穴靜也然且不免於網羅機辟之患者其

皮為之災也

莊子

山林自寇也膏火自煎也桂可食故伐

之漆可用故割之

同上

直木先伐甘井先竭

山

吳王浮于

江登乎狙之山有一狙焉委蛇攬抓見巧乎王王射之

敏給搏捷矢王命相者趨射之狙就死王顧謂其友顏

不疑曰之狙也伐其巧恃其便以教予以至此強也戒

之哉

雜篇並莊子

強自取柱柔自取束

荀子

質的張而弓矢至

焉林木茂而斧斤至焉

同上

其文好者身必剝其角美者

身見殺

文子

鐸以聲自毀膏燭以明自爍故子路以勇死

裴弘以智困

淮南子

翠飾羽而體分象美牙而身喪蚌懷

珠而致剖蘭含香而遭焚

金樓子

翠以羽自殘龜以智自

害若欲翠歛翻於剛丘之林則解羽之患永脫龜曳尾

於暘谷之泥則鑽灼之悲不至

列子

山狙見巧終必招害

含奇佩美銜異露才者未有不以此傷性毀命者也

同上鳴鐸以聲自毀膏燭以明自消

文中子

史子產曰象有齒以焚其身賄也

左襄十四

賈生以為漢

興當改正朔易服色定官名興禮樂悉革具其事悉更

秦之法諸律令所更定及列侯悉就國其說皆自賈生

發之絳灌之屬盡害之天子乃以為長沙王太傅

史記本傳

屈原博聞強識明於治亂為憲令草藁未定上官大夫

欲奪之平不與因讒之王怒疏平作離騷既疏不復在

位頃襄王立遷之江南

史記同上

吳起相楚明法審令捐不

急之官廢公族疏遠者以撫養戰鬥之士要在強兵破

馳說之言從橫者南平百越北并陳蔡却三晉西伐秦

楚之貴戚盡害吳起

史記同上

勇畧震主者身危功蓋天下

者不賞

史記陰傳

楊脩有俊才為丞相曹操主簿嘗出行籌

操有問外事乃逆為答記勅守舍兒若有令出依此通

之既而果然操怪其速廉之知狀忌脩後因事殺之

後漢

薰以氣自燒膏以明白銷

西漢兩龔傳

傳記晁錯以智死

漢書桓譚傳

姦人多才未必不為患故鄴

舒以俊死而鄧析以辨亡

漢書桓譚傳

姦人折枝膏腴壞骨

大心雕龍

清受塵白受垢青蠅所污常在練素

論衡

有高世之

功者必負遺俗之累有獨知之慮者必被庶人之怨

戰國

策

天寶中劉希夷王昌齡祖詠張若虛孟浩然常建李

白杜甫雖有文名俱流落不偶恃才浮誕而然也

明皇雜錄

木摧於秀蘭燒以薰

晉書安平王孚贊

集行高於衆人必非之

文選李蕭遠運命論

木秀於林風必摧之

堆出於岸流必湍之

同上

咸美羽以豐肌

孔

翠故無罪而皆

斃徒銜蘆以避繳終為戮於此世蒼鷹鷂而受縲鸚鵡

慧而入籠

張華鸚鵡賦

蘭薰而摧玉纈則折物忌堅芳人諱

明潔

選祭原文

薰膏自消鑠

唐文粹

麝懷香以賈害狙伐巧

而招射

象之有齒以焚其身魚之貪餌必曝其鱗

同上

予胥既弃吳江上屈原終投湘水濱陸機雄才豈自保

李斯稅駕苦不早華亭鶴唳詎可聞上蔡蒼鷹何足道

李太白

漆有用而割膏以明自煎

杜詩

有味之物蟲蝕必生

有才之人讒言必至

劉賓客

老龜被剗腸不如無神靈

樂白

天多材非福祿薄命是聰明

同上

因知早貴多才子不得

多時在世間

膏明自焚緣何事

同上

士脩而謗興德高

而毀來

韓文

凡物之生不願為材犧尊青黃乃木之灾

韓公

祭柳

寶玉忌出璞出璞先為塵松柏忌出山出山先為

薪

孟東野

木直先自冠石堅亦他攻

張九齡

玉堅而折膏明

自焚齒由剛折膏為明鑠

同上

本朝山雞照綠水自愛一何愚文采為世用適足累形

軀

臨川集

木有瘿石有暈犀有通以取妍於人皆物之病

也

東坡

膏明蘭臭俱自焚象牙翠羽殘其身

同上

因言取禍

經禍從口出

易頤卦正義

惟口起羞

書說命中

匪舌是出維躬是

瘁

詩

口費而煩易出難悔易以溺人

記緇衣

君子溺於口

同上溺口
舌所覆也
禦人以口給屢憎於人
語

予多言多敗口是禍之門也
家語語及所匿之事如此者

身危矣
韓子言有召禍
荀子傷人之言深於矛戟
同上禍莫大

於多言
文中子言怪則招憂
揚子口舌者患禍之官亡滅之

府也
家語言失之害非惟鋒刃
列子

史叔向曰小人之言僭而無證故怨咎及之
左昭公晉伯

宗每朝其妻必戒之曰予好直言必及於難後晉三卻

害伯宗
左成十五三家以國人圍而灌之城不浸者三版民

無叛意智伯行水曰吾乃知水可以亡人國也桓子肘

康子康子履桓子之跗以汾水可以灌安邑絳水可以

灌平陽也趙襄子夜使人決水灌智伯軍智伯軍救水

而亂遂殺智伯

通鑑互見
自納敗缺

昔者鄭武公欲伐胡乃以其

子妻之因問羣臣吾欲用兵誰可伐者闕其思曰胡可

伐乃戮闕其思曰胡兄弟之國也子言伐之何也

史韓
非傳

過誤失言文吏躡辱

西漢文
三王傳

口語致罪

漢書

李陵降匈奴

上問太史令司馬遷盛言陵事親孝與士信奮不顧身

以徇國家之急今舉事一不幸全軀保妻子之臣隨而

媒孽其短誠可痛也上以遷誣罔為陵游說下遷腐刑

西漢李陵傳

僕以口語遭此禍重為鄉黨戮汙辱先人

同上司馬

遷張敞掾絮舜私歸其家曰五日京兆耳安能復案事

敞聞舜語收繫獄死

通鑑漢宣紀

連率韓博上言有奇士長

丈大十圍來臣府曰欲奮擊胡虜自謂巨無霸出於蓬

萊輶車不能載三馬不能勝卧則枕鼓以鐵箸食此皇

天所以輔新室也願迎之京師門戶不容者開高大之

以視百蠻鎮安天下博意欲以風莽莽聞惡之召霸在所更其姓曰巨母氏謂因文母太后而霸王符也徵博下獄以非所宜言棄市

西漢王莽傳

言者不蒙延納之福旋

被陷破之禍今皆杜口結舌以臣為戒

東漢蔡邕傳

董卓誅

蔡邕在司徒王允坐殊不意言之而歎有動於色允勃然斥之收廷尉治罪邕遂死獄中

同上

蔡邕曰夫君臣不

密上有漏言之戒下有失身之禍願寢臣表無使盡忠之吏受怨姦仇章奏帝覽而歎息因起更衣曹節於後

竊視之悉宣語左右事遂漏露其為邕所裁黜者側目

思報

通鑑漢靈紀

以言獲罪

同上竇融與隗囂書云

袁紹復說何進曰

前竇武欲誅內寵而反為所害者但坐言語漏泄陳琳

曰諺稱掩目捕雀夫微物尚不可欺以得志况大事乎

同上漢獻紀

許攸恃功驕慢嘗於衆坐呼曹操小字曰某甲

卿非我不得冀州也操笑曰汝言是也然內不樂後竟

殺之

同上

孔融以對孫權使有誹謗之言坐棄市

東漢帝游

後園曲宴極樂郭夫人請延皇后帝弗許因禁左右使

不得宣后知之明日謂帝曰昨日游宴北園樂乎帝以

左右泄之所殺十餘人賜后死

通鑑三國魏明紀

嵇康與山濤

書自說不堪流俗而非薄湯武司馬昭聞而怒之遂殺

康

同上晉元紀

周顗曰今年殺賊奴取金印如斗大係肘王

導甚銜之顗為王敦所害

晉書周顗傳

初拓跋窟咄之伐珪

也莫題以珪年少潛以箭遺窟咄曰三歲犢豈能勝重

載耶珪心銜之至是使人以箭示題而謂之曰三歲犢

果何如題父子對泣詰朝廷斬之

通鑑晉安紀五

秦王

墮性剛峻或謂墮曰董君貴幸無比公宜小降意接之
墮曰董龍是何雞狗而令國士與之言乎會有天變龍
言於秦主生曰今天譴甚重宜以貴重臣應之乃殺王

墮謂之曰今日復敢比董龍雞狗乎

同上晉
哀紀

太子素惡

西昌侯鸞嘗謂子良曰我意中殊不喜此人不解其故
當由其福薄故也及鸞得政太子子孫無遺焉

齊高
宗紀多

言多讐

梁武
紀

賀若弼怨望上下弼獄謂之曰我以高頴

楊素為相汝每昌言曰此二人惟堪啗飯耳是何意也

隋高祖紀賀若弼父敦臨刑呼弼曰吾志欲平江南然此心

不果汝當成吾志且吾以舌死汝不可不思因引錐刺

弼舌出血戒以謹口

隋書

蘓安恒矜高好奇太子重俊之

誅武三思也安恒自言此我之謀太子敗或告之伏誅

通鑑唐

國家大事嫌不當位而言實有罪故作罪言

新唐

書程牧

杜甫嘗醉登巖武林瞪視曰巖挺之乃有此兒武

銜之一日欲殺甫集吏於門武將出冠鉤於簾三左右

白其母奔救得止

新唐書
杜甫傳

傳記言失者身棄

出言不當反自傷也

說苑

集鵲鳴聲植植烏噪聲攫攫爭鬪庭宇間持身博彈射

韓文

幕中之辨人反以汝為叛臺中之評人反以汝為傾

汝不懲耶而呶呶以害其生耶

同上言歲

言既我禍即無以

掩其辭能不罹其失者亦鮮矣

言解

好盡言以招人過國

武子之所以見殺於齊也

諫臣論五人取禍並韓文

不擇言以危肆

兮固羣禍之際也

柳懲谷賦

一言成疴智不能明

劉賓客


口兵

之起其刑劇焉

同上

智伯失灌水之言

白帖



記纂淵海卷五十七

欽定四庫全書

子部
記纂淵海卷五十八

詳校官中書_臣涂日煥

主事_臣祁韻士覆勘

總校官降調編修_臣倉聖脈

校對官編修_臣吳裕德

謄錄監生_臣范墉

欽定四庫全書

記纂淵海卷五十八

宋 潘自牧 撰

論議部

因事思人

經君子聽鍾聲則思武臣聽磬聲則思死封疆之臣聽
琴瑟之聲則思志義之臣聽竽笙簫管之聲則思蓄聚
之臣聽鼓鼙之聲則思將帥之臣

記樂

史越子使后庸來聘且言邾田封于駘上盟于平陽三

子皆從康子病之言及子贛曰若在此吾不及此夫武

伯曰固將召之文子曰他日請念

左哀二十七

越敗吳遷吳

王夫差於甬東予百家居之吳王曰孤老矣不能事君

王也吾悔不用子胥之言自令陷此

史記吳世家

家貧則思

良妻國亂則思良相

史記魏世家

上至廣武赦劉敬曰吾不用

公言以困平城

通鑑漢高紀

張敞免為庶人亡命數月京師

吏民解弛枹鼓數起而冀州部中有大賊天子思敞功

效使使者即家在所召敞敞身被重劾及使者至妻子

家室皆泣惶懼而敞獨笑曰吾身亡命為民郡吏當就

捕今使者來此天子欲用我也裝隨使者詣公車天子

引見敞拜為冀州刺史敞到部盜賊屏迹

同上漢宣紀

潁川

盜賊羣起河東守兵亦叛京師騷動帝聞之言吾悔不

用郭子橫之言

同上漢光武紀

馬援南擊交趾從容謂官屬曰

吾從弟少游常哀吾慷慨多大志曰士生一世但取衣

食裁足致求盈餘但自苦耳當吾在浪泊西里間下潦

上霧毒氣薰蒸仰視飛鳶跼跼墮水中卧念少游平生

語何可得也

後漢本傳

漢王茂吳而敗時法正已卒亮歎曰

孝直若在必能制主上東行就使東行必不傾危矣

通鑑

三國

王獻之兄弟自郗超未亡見惛常躡履問訊甚脩舅

甥之禮及超死見惛慢怠履而候之惛每慨然曰使嘉

賓不死鼠子敢爾耶

晉書郗超傳惛超父也五入炎涼

宋文帝曰檀道

濟若在豈使胡馬至此

通鑑宋紀

吳已平羣臣上壽帝執爵

流涕曰此羊太傅之功也

同上晉武太康元年

突厥圍鴈門煬帝

歎曰向使長孫晟在不令匈奴至此

隋書

劉行本太子少

庶子太子勇虛襟敬憚後卒及太子廢上曰劉行本在
勇當不及於此 元嵩為蜀王長史後王漸以非法得

罪上曰元嵩若在吾兒豈有是乎

同上

張九齡奏安祿山

有逆相請因罪戮之上放歸九齡既死上皇在蜀思九

齡之先覺詔哀贈

唐書

征高麗班師上以不能成功深悔

之歎曰魏徵若在不使我有是行也命馳驛祀徵以少

牢復立製碑召其妻子詣行在勞賜之

通鑑唐太宗

刑部郎

中關上曰朕得其人矣往者李道裕議張亮獄云反形

未具此言當矣朕雖不從至今悔之遂以道裕為刑部

郎中

同上

李沆先識丁謂之奸及謂用事排擠正人王旦

嘆曰李文靖真聖人

本傳

傳記祭遵死後每朝會上常歎曰安得奉公憂國如祭

征虜者

東觀漢紀

集霖雨思賢佐丹青憶老臣

杜詩

因詠霜雪句永懷鸞鶴

姿

白樂天

徽績空存書旗常而播美音容不見聽輦鼓以

增思

同上

聞鼓輦而憶名將鑒丹青而思老臣

李文饒

湘竹

舊班思帝子江籬初綠哀騷人

劉長卿

本朝韓魏公死士大夫歎曰天何不為我留歐陽公為

魏公作誌文而後死也

韓魏公別錄

盧仝韓愈不在此彈壓

百怪無雄文

歐公集

因難見人

經萬夫之長可以觀政

書咸有一德

風雨思君子也亂世則

思君子不改其度焉風雨如晦雞鳴不已

詩風雨

觀其器

而知其工之巧觀其發而知其人之知

記禮器

歲寒然後

知松栢之後彫也

語子罕

子不容然後見君子

家語互見不苟合及道大不容

六親不和有孝慈

國家昏亂有忠臣

老子

遠使之而知其忠近使之而觀其

敬煩使之而觀其能委之以財而觀其仁卒然問焉而

觀其智急與之期而觀其信醉之以酒而觀其量雜之

以處而觀其色臨之以危而觀其節

莊子

養生不足以當

大事惟送死可以當大事

孟子離婁下

窮觀其所為達觀其

所與

列子

貧則見廉富則見義生則見愛死則見哀

尹鄧子脩

身歲不寒無以知松栢事不難無以知君子

荀子大畧

舟覆

乃見善游馬奔乃見良御

淮南子說訓林

如鍾山之玉寒嶺之

松比之瑤珉梓柳無殊也及其燒以爐炭三日而色潤

不改處於積水終歲而枝葉不彫然後知其異於他玉

衆木也

列子

史李克曰居視其所親富視其所與達視其所舉窮視其

所不為貧視其所不取

史魏世家互見致察

舉世混濁清士乃見

史記伯夷傳

肥義曰正臣難至而節見忠臣累至而行明

同上

趙世淮陰黥布等皆已誅滅而何之勲爛焉蕭何世家天下

昏濁忠臣乃見

魏王豹傳

狗盜雞鳴孟嘗君列此二人於賓

客盡羞及有秦難卒此二人救之

孟嘗君傳五八兼收並蓄已上並史記

劇孟博徒母死客送喪千餘乘此亦有過人者

西漢袁盎傳

不

遇盤根錯節何以別利器

後漢虞詡傳

王祥之薨奔赴者非

朝廷之賢則親戚故吏而已門無雜吊之賓

晉書本傳

王湛

曰直行平路何以別馬唯當於蟻封

晉紀鄧粲傳

唐李夷簡

彈楊憑坐貶臨賀尉徐晦獨至藍田與別後夷簡薦晦

為御史晦曰平生未嘗望公顏色公何從而取之夷簡

曰君不負楊臨賀肯負國乎

通鑑互見
狗公忘私

當一生一死間

而後見其節

唐元德
秀傳

疾風知勁草板蕩識誠臣

唐太宗
賜蕭暢

詩見
本傳

李世勣常侍宴上從容謂曰朕求羣臣可托孤者

無以踰公公往不負李密豈負朕哉

通鑑唐
太宗

馬文舉曰

不遇勅敵何以顯壯士

同上

集寧知霜雪後獨見竹柏心

江淹
詩

時危見臣節世亂識

忠良

選鮑明
遠詩

扶顛始知籌策長

杜
詩

驛騷之際鯁亮彌彰

劉賓客

火後見琮璫霜餘識松栢

同上

士窮乃見節義

韓文雨

晦識雞鳴之信風高見隼擊之威

白樂天

磨涅始彰其堅

白

杜牧

微風但覺杉香滿烈日方知竹氣寒

呂叔文

不有

百鍊火孰知寸金精

孟東野互見是真難藏

破松見貞心裂竹看

直文

唐文粹

天若無雪霜青松不如草地若無山川何人

重平道

唐于瀆詩

衆木盡搖落始見竹色真

孟東野詩互見事物相形

本朝揮毫更想能一戰數窘乃見詩人才

臨川集

馬之在

厩也駕驥雜處飲水食芻嘶鳴蹄齧求其所以異者幾

矣及其引重車取夷路不屢策不煩御一頓其轡而千里已至矣當是時駕馬並驅則雖傾輪絕勒敗筋傷骨不舍晝夜而追之遼乎其不可以及也

臨川文

得路方知

異日心

東坡詩

萬木歲寒配喬松於巨栢衆星夜艾凜明

月於長庚

東坡賀林待制啓
互見事物相形

火數四百炎靈消誰其代

者當塗高窮茲極酷不易取始知文景基局牢

同上古
硯歌

樂布惟不廢彭越之命故高祖知其賢李勣惟不利李

密之地故太宗許其義

樂城集

受人恩而不忍負者其為

子必孝為臣必忠

鳴道集

不經大火燒孰得真黃金

樂城集

請觀風急天寒夜誰是當門定脚人

邵堯夫詩

因事長智

經知不足然後能自反也知困然後能自強也

記學

子孔子欲以顏狀取人也於臧明改之矣欲以言辭取人也於宰我改之矣欲以容貌取人也於子張改之矣

家語所以動心忍性增益其所不能人恒過然後能改困

於心衡於慮而後作徵於色發於聲而後喻

孟子告子下人

之有德慧術智者恒存乎疾疾獨孤臣孽子其操心也

危其慮患也深故達

孟子盡心下

晉公子重耳霸心生於曹

越王勾踐霸心生於會稽齊威公小白霸心生於莒

荀子

老子學商容見舌而知守柔矣列子學壺子觀景柱而

知持後矣

淮南子繆稱訓注先有形而後有影

堯遭洪水而貴陸湯大旱

而重水

淮南子

史齊高彊曰三折肱知為良醫

左定十三互見履而後知

高宗遭鳴

雉之戒飭已正道享百年之壽

西漢杜欽傳

木不生庭太戊

無以隆雉不鳴鼎武丁不為宗

晉書
郭璞傳

集九折臂而成醫

楚辭

三折乃良醫

劉賓客

因人而重

經蔽芾甘棠勿剪勿伐召伯所爰

詩甘棠

子無仲尼則西山之餓夫與東國之絀臣惡乎聞

子揚連

城之壁瘞影荆山夜光之珠潛輝鬱浦玉無翼而飛珠

無脰而行揚聲於章華之臺炫耀於綺羅之堂者蓋人

為之舉也

列子

柳下惠不遇仲尼則貞潔之行不顯未免

於三黜之臣季布不過曹丘則百金之諾不揚未離於

凡虜之人

同上

史伯夷叔齊雖賢得夫子而名益彰閭巷之人欲砥行

立名者非附青雲之士烏能施於後世哉

史記伯夷傳

毛先

生遂一至楚使趙重於九鼎大呂

同上平

庾乘游學宮

為諸生傭後能講誦自以卑第每處下坐諸生博士皆

就讐問之由是學中以下坐為貴

後漢本傳

河南尹羊陟謁

造趙壹言談至曛夕極歡陟乃與司徒袁逢共稱薦之

名動京師士大夫想望其風采

同上 趙壹傳

阮籍見張華鶴

鵠賦曰王佐才也由是聲名始著

晉書

左思作三都賦成

人未之重思以示張華深稱贊之兼作序豪貴競寫都

下為之紙貴

晉書

許詢移居臯屯之品常與沙門支遁及

謝安石王羲之等同遊往來今臯屯呼為許度品

謝

安有盛名時人愛慕有罷縣還安問其歸資荅曰有蒲

葵扇五萬安乃取其中者握之士庶競市價增數倍

晉書

揚雄作太玄晚遭陸續玄道遂明

王長文傳

王導為司徒時

帑藏空竭庫中惟有練數千端鬻之不售乃與朝賢俱制練布單衣於是士人翕然服之練遂涌貴主者出賣端直一金其為時所慕如此 王羲之見一塊持六角

扇賣之羲之書其扇各為五字姥初歎惋因謂姥曰無

苦但言是王右軍書以求百金價姥如言人競買之

已上

晉書

傳記人有市駿馬者三旦立市人莫之知伯樂一顧之

一旦而馬價十倍

戰國策

郭林宗游洛陽始見河南尹李

膺膺大奇之遂相友善於是名震京師

郭林宗別傳

慈廉江

者昔有李祖仁居此兄弟十人並慈孝廉讓因此名江

交州記

梁顧總始為縣吏一夕遇二人稱是王粲徐幹云

昔與公同舟公劉楨也乃誦其遺文總悟以遺文數篇

投令令待之甚厚時謂死劉楨猶庇得生顧總

太平廣記

士

非玉壁談者為價

物理論互見求援

白樂天以詩謁顧况因為

延譽聲名大振

幽閒鼓吹

集昔歐冶改視鉛刀易價伯樂所眴駑馬百倍

文選曹植表

夜光之璧顯價於和氏之肆千里之足定功於伯樂之

庭

藝文類聚載應
璩薦和慮則曉

一經品題便作佳士

李白

一顧之隆駘

足逾於仙鹿片言之重魚目舛於靈蛇

駱賓王

一言之譽

東陵倖於西山一面之榮鄭璞踰於周寶

王彥升文集
序互見感謝

昔虞阪之上逸驥與駑駘俱疲吳竈之中孤桐共樵蘓

並爨遇王良伯喈遂騰聲於千古此詩若不遇王君乃

數十張故紙耳

唐韋編作孟浩然集序處州本王君名士
源天寶中獲孟浩然文集士源為之序

宋廣平之沉下僚蘓公味道為使者廣平投以梅花賦

蘓盛稱之自是方列于聞達人之目由是知英賢聲聲

可外文字猶用片言借說於先達之口席其勢而後驤

首當時矧碌碌者疇能自異

劉賓客互見求援

夫美不自美因

人而彰蘭亭不遭右軍則清湍脩竹蕪沒於空山矣

柳文

本朝鵝毛贈千里所重以其人

歐公

峴山臨漢上望之隱

然蓋諸山之小者而其名特著於荆者豈非以其人哉

其人謂誰羊祜叔子杜預元凱是也

峴山亭記

溫公營獨樂

園在洛中諸園最為簡素人以公之故故春時必遊

鳴道

集五入生理
門園池類

黃叔度澹然無作郭林宗一言至今以為

顏子叔度之賢無一見於外者而後世猶信徒以林宗

之重

東坡謝太保撰
先人墓碣書

因惡累美

經今衆人之命儒也妄常以儒相詬病

記儒行

如有周公

之才之美使驕且吝其餘不足觀也已

語泰伯

子西子蒙不潔人皆掩鼻而過之

孟子

五穀者種之美者

也苟為不熟不如萑稗

同上告子下

槃水正錯而勿動則湛

濁在下清明在上足以見鬚眉而察理微風過之湛濁

動乎下清明亂於上則不可以得大形之正也荀蘭槐

之根是為並其漸之滄君子不近同上勸學篇注滄溺也水之性

清所以濁者土渾之也林之情靜所以動者風搖之也

人之心正所以邪者欲眩之也劉子河水欲清沙壤穢之

淮南子

史一薰一蕕十年尚猶有臭左傳莠盛苗穢何不鋤也漢西

嚴延年傳忠如鬻拳信如卞和智如孫臏寬如蒼伯才如史

遷達如子政一離刀鋸沒世不齒

東漢郭泰傳

涇以渭濁

同上

賈彪傳

山有朽壤雖大必虧木有蠹蟲其榮易落

唐史臣元宗贊

集聯蕙芷以為佩兮過鮑肆而失香

楚辭

資高明之質而

未免卑濁之累

選文

青蠅一相點白璧遂成冤

陳子昂集

本朝君子小人如水炭決不可以同器若兼收並用則

小人必勝薰蕕雜處終必為臭

東坡富鄭公神道碑

性之有喜怒

猶水之有波否曰湛然平靜如鏡者水之性也及過沙石或地勢不平便有湍激或風行其上便為波濤洶湧

此豈水之性哉

鳴道集

因麤見精

子故雖有珉之彫彫不若玉之章章

荀子

百星之明不如

一月之光十牖畢開不如一戶之明

淮南子

豹裘而雜不

若狐裘而粹

同上

史趙良曰千羊之皮不如一狐之腋

史記商君傳

鰲魚累百

不如一鶚

孔文舉薦禰衡表一見西漢鄒陽傳

玉以礫貞

東漢賈彪傳

傳記張巨魚者垂其千鈞而得之在於一筌捕高鳥者

張其萬置而獲之由一目

史通

集雀喧知鶴靜

高達夫

因精見麤

經若苗之有莠若粟之有秕

書仲虺之誥

子飲玉糈則知漿苻之薄味

抱朴子

集虎豹之文炳於犬羊鸞鳳之音鏘於鳥鵲金玉之光

炫於瓦石

皇甫湜五見事物相形

因術累已

子矢人惟恐不傷人

孟子

史治獄之吏皆欲人死非憎人也自安之道在人之死

通鑑漢宣紀互見其勢使然

魏時凌雲殿榜未題而匠者誤釘之不

可下乃使韋仲將懸磬書之比訖鬚髮盡白裁餘氣息

還語子弟宜絕此法

晉王獻之傳

秦王苻生夜食棗多旦而

有疾召太醫令程延使診之延曰陛下無他疾食棗多

耳生怒曰汝非聖人安知吾食棗遂斬之

通鑑晉紀

太宗

與侍臣泛舟春苑池見異鳥容與波上悅之詔坐者

賦詩而召閻立本侔狀閻外傳呼畫師立本是時已為
主爵郎中俯伏池左研丹粉望坐者羞恨流汗歸戒其
子曰吾少讀書文辭不減儕輩今獨以畫見名與廝後
等若曹慎毋習

唐本傳

本朝昔閻立本始以文學進身卒蒙畫師之耻

東坡書吳道子

畫後

自相矛盾

經子弟弗念天顯乃弗克恭厥兄兄亦不念鞠子哀大

不友于弟

書互見
無情

予人有鬻矛楯者譽之曰吾楯之堅物莫能陷也又譽

其矛曰吾矛之利於物無不陷也或曰以予之矛陷予

之楯何如其人弗能應也

韓非

使人之子孫自賊其父

母也

荀

為人父而權其子縱利如子何

揚

斷根以續枝

割背以裨腹

抱朴

山生木反自刺木生蠹反自食人生

事反自賊

淮南

史楚昭王曰除腹心之疾而置諸股肱何益

左傳

昔高辛

氏有二子長曰闕伯季曰實沈居于曠林不相能也日

尋干戈以相征討

左傳

助秦自攻

史虞卿傳

劉向受穀梁春秋

其子歆乃大好左氏傳以左丘明好惡與聖人同親見

夫子而公羊穀梁七十子後傳聞之與親見其詳畧不

同歆數以難向向不能非問也

前漢書

李固曰刻割心腹

以補四支

東漢本傳

魏曹罔曰猶芟刈股肱獨任胸臆觀者

為之寒心

通鑑三國志

剛趾適履刺肌傷骨

魏志

借子之矛刺

子之楯

晉天志

唐高祖謂侍臣曰刻民以奉君猶割肉以

充腹腹飽而身斃

通鑑
唐紀

傳記漢書孝成紀贊曰成帝善脩容儀升車正立不內
顧臨朝淵嘿尊嚴若神可謂穆穆有天子之容貌矣又
五行志曰成帝好微行選私奴客十餘人自稱富平侯
或乘小車御者偕騎出入由斯而言則成帝微服嫚遊
鳥集無度雖外飾威重內肆輕薄人君之望不其缺如
觀孟堅紀志所言前後自相矛盾者也史通班固稱項羽
弑義帝自取滅亡又云于公高門以待封嚴毋掃地以

待喪如固斯言則深信夫天怨神怒福善禍淫者矣至
於其賦幽通也復以天命久定非理所移故善惡無徵
報施多爽斯則同理異說前後自相矛盾者焉同上

集昆弟自相傾

韋應物集

肝膽反為賊

文粹

自相背馳

經或錫之鞶帶終朝三褫之

易

其車既載乃棄爾輔

詩

予惡辱而居不仁是猶惡濕而居下也

孟子互入明知故犯

惡死

亡而樂不仁是猶惡醉而強酒

同上

猶欲其入而閉之門

也同上猶立枉木而求其影之直也

荀子

欲壽而刎頸同上伏

而啗天救經而引其足

經縊也引其足愈急也

愈務而愈遠同上欲

滅跡而走雪中

淮南子

譬如拯溺錘之以石救火投之以

薪

尹鄧子

病熱而強之以餐救暍而飲之以寒救經而引

其索拯溺而授之石欲救之反為惡

淮南子說林訓

披裘而扇

淮南子

吏今有二命其誰不解體左猶治絲而焚之也

左傳五見躁急

首尾衡決

西漢賈誼傳

行危而求安造禍而求福

史荆軻傳

濁其

源而求其清流

前禮樂志

是猶紕韓盧而責之獲也

班固傳

時

成帝無嗣政由王氏劉向遂上封事極諫王氏與劉氏

不並立如下有泰山之安則上有累卵之危向卒子歆

王莽舉為侍中王莽持政留歆為右曹建平元年改名

秀及王莽篡位歆為國師

西漢本傳互入不克紹

猶卻行而求及

前人也

楚元王傳

欲湯之滄

音愴悽愴之愴寒也

一人炊之百人揚之

無益也

枚乘傳

譬猶抱薪而救火

同上

狐白之裘而反衣之

也

匡衡傳五見愚暗前漢

自古至崇皆好車馬衣服其自奉養極為

鮮明而亡金銀錦繡之物及遷徙去處所載不過囊衣

天下服其廉而怪其奢

前漢王吉傳

陳琳曰掩目捕雀

通鑑劉

炫曰相期高於周孔相待下於奴僕

三國蜀志互見自相背馳

郝愔

遺桓溫賤欲共獎王室請督所部出河上愔子超為溫

參軍取視寸寸毀裂乃更作愔賤自陳非將帥才不堪

軍旅老弱乞閑地自養勸溫并領已所統

通鑑晉海西公紀互見趨

向不

將適越者指沙漠以遵途欲登山者涉舟航而覓

路所趣逾遠所向轉難南北倍殊高下相反求其至也

不亦難乎

晉武紀

如室斯構而去其鑿契如水斯積而决

其隄防如火斯蓄而離其薪燎也

晉書于今升總論

崔浩性不

好莊老之書每讀不過數十行輒棄之非毀佛法因欲

脩服食養性術天師寇謙之有神中錄圖新經因師事

之

北史本傳

張九齡與嚴挺之蕭誠善挺之惡誠佞勸九齡

謝絕之九齡忽獨念曰嚴太苦勁然蕭軟美可喜方召

蕭李泌在旁率爾曰公起布衣以直道至宰相而喜軟

美者者乎

唐書李泌傳

伐根以求木茂塞源而欲流長

同上魏徵

傳迂訪道之車築禮神之館棲心玄化物色幽人將致仙

於大庭欲希蹤於姑射於是削浮圖之法憊游惰之民

志欲矯步丹梯求珠赤水徒見蕭衍姚興之謬學不悟

秦皇漢武之非求蓋惑於左道之言偏斥異方之說

唐舊

書武宗紀論

武宗奮然除去浮圖之法而躬受道家之錄服

藥以求長生

新唐書本紀

集絆良驥之足而責以千里之任檻猿猴之勢而望其

巧捷之能

吳季重書

猶適于南而北轅其到也無日矣

唐文粹

北轅適楚圓鑿方枘 北轅適楚 南轅適晉 猶航

斷港絕潢以望至於海也

唐文粹

疑似相亂

經若苗之有莠若粟之有秕

書仲虺之誥互入因精見麓

惡微以為

智者惡不孫以為勇者惡訐以為直者

論語

夫樂者與音

相近而不同

記樂

子惡似而非者惡莠恐其亂苗也惡佞恐其亂義也惡利口恐其亂信也惡鄭聲恐其亂樂也惡紫恐其亂朱

也惡鄉原恐其亂德也

孟盡心

若初真得鹿妄謂之夢真

夢得鹿妄謂之實

列子

懦弱易奪似仁而非悍戇好鬪似

勇而非

荀子

白石似玉姦佞似賢

抱朴子

魯人縫掖實非儒

行東郭吹竽而不知音

列子

史孔子過匡匡人以為陽虎陽虎嘗暴匡人匡人止孔

子孔子狀類陽虎拘五日

史孔子世家

陳遵字孟公時列侯

有與遵同姓字者每至人門曰陳孟公坐中莫不震動

既至而非因號其人曰陳驚坐云

西漢本傳

杜欽字子夏少

好經書家富而目偏盲茂陵杜鄴與欽同姓字俱以材

能稱京師故衣冠謂欽為盲杜子夏以相別欽惡以疾

見詆迺為小冠高廣財二寸由是京師謂欽為小冠杜

子夏而鄴為大冠杜子夏云

西漢本傳

市虎成於三夫孝子

疑於屢至

後漢

蔡謨初渡江見彭蜺大喜曰蟹有八足加

二螯令烹之既食吐下委頓方知非蟹後詣謝尚而說

之尚曰卿讀爾雅不熟幾為勤學死

晉書

傳記夫以曾參之賢與其母之信也而三人疑之則慈

母不能信也

戰國策

物多相類而非也幽莠之幼也似禾

驪牛之黃也似虎白骨疑象碓硃類玉此皆似之而非

者也

同上

相玉者患石似玉

呂氏春秋

魯有兩曾參趙有兩毛

遂昔南曾參殺人見捕人告北曾參母母見以疑野人

毛遂墜井而死客以告平原君平原君曰嗟乎天喪予

矣既而知非平原君客

西京雜記

陳國張伯諧弟仲諧婦炊

於竈下至井上謂伯諧曰我今日粧好否伯諧曰我伯

諧也婦大慙愧其夕時伯諧到更衣婦復逐牽其背曰

今旦大誤謂伯諧為卿荅曰我故伯諧也

風俗通

集若青蠅之偽質

偽猶變也蠅變白使黑變黑使白楚辭

衆偽冒真

文選

遂不墮井曾參不殺人虛言誤公子投杼惑慈親

李似白

錦言應巧如絲數易欺

元微

人之至信者心目也天性

者父子也不惑者聖賢也然而於竊鉄而知心目之可

亂於拔蜂而知父子之可間於拾煤而知聖賢之可疑

劉賓客

積異以生疑積疑以生惑

白樂天

外容閑暇中心苦

似是而非誰得知

白樂天驚詩

祥禽之類凡羽而凡羽混之

神芝之類腐菌而腐菌混之嘉蕙之類焚芻而焚芻混

之

唐文粹

本朝聞之曰人之至信者心目也相親者母子也不惑者聖賢也然至於竊鉄而知心目之可亂於投杼而知母子之可疑於拾煤而知聖賢之可惑

東坡辨試館職策問孔子

事物相形

子子貢結駟連騎以造原憲衣冠敝子貢慙

家語

好女之

色惡者之孽也

荀子

史文帝常病癰鄧通常為帝啗吮之太子入問病帝使

啗癰而色難之已而聞通常為帝啗吮之心慙

史倭幸傳美

女入室惡女之仇

史記外戚世家

上自勞軍至灞上及棘門軍

直馳入將已下送迎已而之細柳不得入使使持節入

帝曰此真將軍耳灞上棘門軍若兒戲耳其將固可襲

而虜也

史周勃世家

王蠋布衣義不北面於燕況在位食祿

者乎

史田單傳後

張安世長子千秋與霍光子禹俱為中郎

將將兵隨度遼將軍范明友擊烏桓謁大將軍光問千

秋戰關方畧山川形勢千秋口對兵事畫地成圖無所

忘失問禹禹不能記曰昔有文書光由是賢千秋以禹

為不才

漢書

魏明帝使后弟毛曾與夏侯玄共坐時人謂

之蒹葭倚玉樹泰初如朗月入懷

魏志

王濟雋爽有風姿

每見衛玠輒歎曰珠玉在側覺我形穢

晉書本傳

潘岳美姿

儀常出婦人遇之者皆連手縈繞投之以果時張載甚

醜每行小兒以瓦石投之委頓而反

晉書潘岳傳互見所遇不同

阮

咸與籍居道南諸阮居道北北阮富南阮貧七月七日

北阮盛曬衣服皆錦繡絜目咸以竿挂大布犢鼻於庭
人或怪之答曰未能免俗耶復爾耳

晉本傳

時人謂道子

為東錄元顯為西錄西府車騎填湊東第門可張羅

通鑑

晉安紀

晉恭帝禪位于宋祕書監徐廣流涕哀慟侍中謝

晦謂之曰徐公得無小過廣曰君為宋朝佐命身是晉

室遺老悲歡之事固不可同

通鑑

文德皇后之葬改志玄

與宇文士及分統士馬守章武門太宗夜使宦官至將
軍所士及開營納使者志玄閉門不納停使者至曉太

宗曰此真將軍也

唐書互見紀律

姚崇常有子喪謁告十餘日

政事委積盧懷慎不能決惶恐入謝於上上曰朕以天下事委姚崇以卿坐鎮雅俗耳崇既出須臾裁決俱盡

通鑑唐

玄宗

傳記陳遵闕西大俠友人喪遵親為護喪事贈助甚厚

王丹乃懷縑一疋陳於主人之前曰如丹此縑出自機

杼遵聞而有慙色

東觀漢紀

中宗嘗召宰相蘓瓌李嶠子進

見上曰宜意所通盡奏頌曰木從繩則正后從諫則聖

嶠子迹進曰斡朝涉之脛剖賢人之心上曰蕪瓌有子

李嶠無兒

松寬
雜錄

冥鴻跡在煙霞上燕雀休誇大厦梁

綺言

雜錄

集見西施之容歸憎其貌

楊德祖箋

西施出帷嫫母侍側

吳季

重書

南鄰擊鍾磬北里吹笙竽寂寂揚子宅門無卿相與

左太

中詠
史詩

虎豹之文炳於犬羊鸞鳳之音鏘於鳥鵲金玉之

光炫於瓦石

皇甫湜互見
因粗見精

無貴賤不悲無富貧亦足

杜詩

衆星羅青天朗者獨有月

李白互見
分量不同

二十漸乖張清溝

映汙渠三十骨骼成乃一龍一豬

韓文

冬之為候也霜雪

飄暴凍入肌髮夏之為用也金流石爍火走膚脉如陽

春高秋者稀焉南則瘴風毒虺之為厲也北則獫戎點

虜之為患也如洛陽咸秦者幾焉

李文饒集

衆木盡搖落始

見竹色真

孟東野互見因事見人

醜婦競簪花花多映愈醜

唐文粹

衆花盡處松千尺羣鳥喧時鶴一聲

高逵夫

雀喧知鶴靜

鬼戲識鷗閑

同上

本朝萬木歲寒配喬松於巨栢衆星夜艾凜明月與長

庚

東坡賀林待制啓
互見因難見人

試看青松鶴何似珠門客

歐公集
互見趣

同向不

君看花枝朝露何如松上霜風

山谷詩

影響相應

經子曰君子居其室出其言善則千里之外應之況其邇者乎居其室出其言不善則千里之外違之況其邇

者乎易鳴鶴在陰其子和之

易

隆墀永歎遠壑必盈處高

墀而長歎遠壑之中
盈響而應易畧例

善邇而遠至命宮而商應修下而

高者降與彼而取此者服矣

同上

惠迪吉從逆凶惟影響

書卿士師師非度小民方興相為敵讐書建無窮之基

亦有無窮之聞畢命作善降之百祥作不善降之百殃書

鼓鍾于宮聲聞于外詩衛文公臣子多好善賢者樂

告以善道也鄘干旄內和而外順則民瞻其顏色而弗與

爭也望其容貌而民不生易慢焉故德輝動於內而民

莫不承聽理發諸外而民莫不承順記樂下之事上也

不從其所令從其所行上好是物下必有甚者矣故上

之所好惡不可不慎也是民之表也緇衣上好仁則下之

為仁爭先人

同上

上好禮則民莫敢不敬上好義則民莫

敢不服上好信則民莫敢不用情

語子路

子以富貴而下人何人不尊以富貴而愛人何人不親

家語互見施報

愛人者人恒愛之敬人者人恒敬之

孟子

苟好

善則四海之內皆將輕千里而來告之以善

同上

生於其

心害於其政發於其政害於其事

公孫丑

文武興則民好

善幽厲興則民好暴

告子

上有好者下必有甚焉者矣

滕文

公夫人必自侮然後人侮之家必自毀然後人毀之國

必自伐而後人伐之

離婁上

訛訛之聲音顏色拒人於千

里之外德之流行速於置郵而傳命

孟子

大人之教若形

之於影聲之於響

莊子

別契券者所以為信也上好權謀

則誕詐之人乘是而後欺探籌投鈎者所以為公也上

好曲私則下乘是而後偏衡石稱懸者所以為平也上

好傾覆則下乘是而後險勝斛敦槩者所以為均也上

好貪利則下乘是而後鄙豐取吝與以無度取於人

荀子

楚王好細腰故朝有餓人

同上

善其言而類焉者應矣故

馬鳴而馬應之非知也其勢然也同上夫下之於上猶響

之應聲影之像形也聽唱而應視儀而動上好富者民

死利矣荀子齊桓好服紫一國盡服十紫不得一素公患

之管仲曰試勿衣也謂左右曰甚惡紫桓公諾三日莫

有衣紫者韓文鄒君好長纓左右皆服纓甚貴公患之因

先自斷其纓而出國中皆不服同上人主之情上通于天

故誅暴則多飄風枉法令則多蟲螟殺不辜則國赤地

令不改則多淫雨淮南子鄒衍盡忠於燕惠王王信讒繫

之鄒子仰天而哭正夏而天為之降霜

淮南子

有陰德者

必有陽報有陰行者必有昭名

同上

湯去三面之網歸之

者四十國文王葬城隅之枯骨天下懷其仁

傳子

體痛者

口不能不呼心說者顏不能不笑

尹子

從道必吉反道必

凶如影如響也

同上

史齊桓公復會諸侯於葵丘益有驕色諸侯頗有叛者

史齊世家

口雖未言聲疾雷震令雖未行化馳如神

史記

漢女

居東海養姑姑女讒之於姑姑經太守訴而殺之五月

下雪

漢書

東海有孝婦少寡無子養姑甚謹姑死姑之女

告吏婦殺我母吏捕孝婦自誣服太守竟殺婦郡中枯

旱三年

漢書

上自初即位詔選天下文學材智之士待以

不次之位四方士多上書言得失自銜鬻者以千數

通鑑

漢武紀

猶桴鼓之相應

前漢李尋傳

宋景公小國之諸侯耳有

不忍移禍之誠出人君之言三熒惑為之退舍

西漢杜欽傳

吳王好劍客百姓多瘡癰楚王好細腰宮中多餓死

同上

巨衛傳

朝有變色之言則下有爭鬪之患上有自專之士

則下有不遜之人上有克勝之任則下有傷患之心上有好利之臣則下有盜竊之民周南召南被聖賢之化深故篤於行而廉於色鄭伯好勇而國人暴虎秦穆貴信而士多從死陳夫人好淫巫而民淫祀晉侯好儉而民蓄聚太王躬仁邠國貴恕由此觀之治天下者審所上而已

同上

善惡之報各如其事

西漢梅福傳

車駕自幸洛

陽獄錄囚徒理出千餘人時天旱大雨

通鑑

為善者天報

之以福為非者天報之以殃

西漢景帝紀

下之應上猶景嚮

也

西漢正史
嚮讀曰響

自永平以來臣民雖有習浮屠術者而天

子未之好至帝始篤好之常躬自禱祠由是其法浸盛

通鑑漢
桓紀

猶叩木本百枝皆動

東漢李固傳五
見事同一體

舉中於禮

則強梁褫氣片言違正則廝臺解情

東漢循
史傳贊

一夫得情

千室鳴絃

同上互
見循良

姜詩母嗜魚鱸又不能獨食夫婦嘗

力作供鱸呼鄰母共之舍側忽有湧泉味如江水每旦

輒出雙鯉魚以供二母之膳

同上姜詩
妻列傳

魏武好法律而

天下貴刑名魏文慕通達而天下賤守節

通鑑

殷紂好色

姐已是出葉公好龍真龍游廷

通鑑漢桓紀

王者心有所想

雖未形顏色而五星以之推移陰陽為之變度

漢靈謝紀

安好聲律期功之慘不廢絲竹士大夫效之遂以成俗

晉海西公紀

秦劉蘭討蝗經秋多不能滅有司奏請徵蘭下

廷尉秦王堅曰災降自天非人力所能除此由朕之失

政蘭何罪乎是歲秦大熟

晉武紀

作解散髻斜插簪朝野

慕之相與倣倣

齊王儉

齊帝既殘忍有司訊囚莫不嚴酷

或燒犁耳使立其上或燒車釭使以臂貫之

梁敬帝紀以上並通

鑑裴矩佞於隋而忠於唐非其性之有變也君惡聞其

過則忠化為佞君樂聞直言則佞化為忠

通鑑唐太宗

上入

苑中見蝗撮數枚祝之曰民以穀為命而汝食之寧食

吾之肺腸舉手吞之是歲蝗不為災

同上

夫人之慕名如

水趨下上有所好下必甚焉陛下若取士以德行為先

文藝為末則多士雷奔四方風動矣

同上高祖

唐張楚金魏

元忠臨刑太后使鳳閣舍人王隱客馳騎傳聲赦之是

日陰雲四塞既釋楚金等天氣晴霽

通鑑武后

傳記行非為影也而影隨之呼非為響也而響和之

許氏

說文

蠹吏抵冒取民財則生蠨吏乞貸則生螟吏冥冥犯

法則生

許氏說文

宋景公時熒惑在心公召子常問焉子常

曰禍在君可移於相公曰相所與理國家也曰可移於

百姓曰百姓死寡人將誰為君曰可移於歲公曰歲饑

人餓必死焉為人君而徵其人誰以我為君乎子常曰

君有至德之言三天必三賞君熒惑必徙三舍後果三

徙

呂氏春秋

齊景公時熒惑守虛期年晏子曰虛齊之分野

當強為善公乃去寃獄振孤敬老行之三日而熒惑遷

其守

春秋

周公下白屋之士七十人而天下之士皆至晏

子與同衣食百人而天下之士亦至仲尼脩道行理文

章而天下之士亦至

說苑

集爾形信直影亦不曲爾聲信清響亦不濁

晉裴頠安吏箴互入

瑞本澄源

庶女告天振風襲於齊堂

建平王傳

嫺風大行貞女

蒙冶容之誨淳化殷流盜跖挾曾史之情

陸士衡演連珠

賤臣

叩心飛霜擊於燕地

選江文通上書

珠玉無脛而自至者以人

好之也

孔融本傳

宋景公時大旱三年卜之以人祠乃雨公

下堂頓首曰所以求雨將自當之言未卒大雨

藝文類聚

強

於內者外必勝殖不固者發必隳

皇甫湜

匹婦含怨三年

亢陽匹夫結憤六月飛霜

唐文粹

漢高帝大度故其時多

魁傑不羈之才孝武好英風故其時富瑰琦立名之士

孝宣精吏治故其時萃循良核實之能

陸宣公集

誠信大虧

則百事無不紕繆

同上

本朝六國合從而辨說之材出劉項並世而籌畫戰鬪

之徒歸唐太宗欲治而謀謨諫諍之佐來

集臨川

唐太宗

朝將相固不可及至技藝之士醫有孫真人陰陽有李
淳風呂才相法有袁天罡後世不可及也

集明道

武帝好

四夷之功而勇銳輕死之士充滿朝廷闢土廣地無不
如意及後息民重農而趙過之儔教民耕耘亦被其利
此一君之身趣好殊別而士輒應之

司馬溫公
通鑑論

機鋒相湊

經子擊磬於衛有荷蕢而過孔氏之門者曰有心哉擊

磬乎

語憲問

子曰參乎吾道一以貫之曾子曰唯

里仁

子犁然有當於人之心

莊山木

子游汾亭鼓琴有釣者過

曰美哉琴意在山澤而有廊廟之志

文中子

史彌衡為江夏太守黃祖作書記輕重疎密各得體宜

祖持其手曰此正得祖腹中之所欲言也

東漢本傳

王

儉令任昉作一文及見曰正得吾腹中之欲

任昉傳

集堯心惟舜會

元稹集

光陰與時節先感是詩人

白樂天

杜

詩韓集愁來讀似倩麻姑癢處抓

杜牧之

物理相資

經若金用汝作礪

書

惟木從繩則正

上同

鼓無當於五聲

五聲弗得不和水無當於五色五色弗得不章

記

學

無

本不立無文不行

禮器

子無君子莫治野人無野人莫養君子

孟

滕文

公上

以粟易

械器者不為厲陶冶陶冶亦以其械器易粟者豈為厲

農夫哉

上同

勞心者治人勞力者治於人治於人者食人

治人者食於人

上同

金石有聲不考不鳴

莊子

有刀者礪諸

有王者錯諸

楊季行

鳥號之弓谿子之弩不能無弦而發

越舂蜀航不能無水而浮

淮南子

史陽不得陰之職亦不能獨成歲終

前漢董仲舒策

水火相濟

鹽梅相成

唐王義方傳

傳記千將莫耶非得人力則不能割堅箭利金不得玄

機之利則不能遠

戰國策

龍非風不舉龜非天不兆

曾子

集塤箎相須

選

雲龍之所能使為靈也然龍弗得雲無

以神其靈矣

韓文稌說

經非權則泥權非經則悖

柳斷刊

物類相感

經同聲相應同氣相求水流濕火就燥雲從龍風從虎

聖人作而萬物覩本乎天者親上本乎地者親下則各

從其類也易鳴鶴在陰其子和之易召雲者龍命呂者

律易命宮而商應同上有豕白蹄烝涉波矣詩嚶嚶草蟲

趯趯阜螽以燧取明火於日以鑒取明水於月周禮天降

時雨山川出雲記孔子開居方以類聚樂記

子陽燧見日則然為火莊子鄭師文學琴於師襄當春而

叩商絃以召南宮涼風總至草木成實及秋而叩角絃以激夾鍾溫風徐迴草木發榮當夏而叩羽絃以召黃鍾霜雪交下川池暴沍及冬而叩徵絃以激蕤賓陽光熾烈堅冰立散將終命宮而總四絃則景風翔慶雲浮甘露降醴泉涌

外湯問

施薪若一火就燥也平地若一水

就濕也草木疇生禽獸羣焉物各從其類也

荀子

天之且

雨也陰曠未集而魚已噞矣

山雲蒸柱礎

淮南子

抱薪

加火燥者必先然平地注水偏者必先濡

鄧子

史蟋蟀俟秋吟蜉蝣出以陰虎嘯而風列龍興而致雲

王褒頌

南風至則黃鍾應融風動而魚上冰

後蔡邕傳

威蒸在

野野集仁獸

後漢

應龍之翔雲霧滃然而從震風薄怒萬

竅不約而號物有自然相動耳

唐裴寂贊

影之像形響之赴

聲動而相隨各以類應

唐書

傳記吳牛見月而喘

世說

蛤蟹珠龜與月盛衰

會稽先賢傳

蚌

蛤龜珠與月盛衰

月者太陰之中故龜蛤之屬因之以盛虧呂氏春秋日月望則蚌蛤實月

晦則蚌蛤虛大戴後

霜降則鳴

山海經

陽出雞鳴以類感也

春秋說

蟻

封穴戶大雨將至

易林貢

唐樂懸散失獨無徵音李嗣貢

求得喪車一鐸入而振之於東南隅果有應也遂掘之

得石一段為四具補樂懸之散闕

周正

集同音者相和同類者相似飛鳥號其羣鹿鴻求其友

楚辭

叩宮而宮應彈角而角動虎嘯而谷風生龍舉而景

雲往聲音之相叩兮言物類之相感也

同上

鳴聲相應仇

偶相從

選詩

蚌蛤珠胎與月虧全

選吳都賦

隱雷自天昆蟲已

聽浮陰在漢柱礎先霑

任孝恭啓

相資成美

經若作酒醴爾惟麴蘖若作和羹爾惟鹽梅書惟周公

克慎厥始惟君陳克和厥中惟公克成厥終畢為命禋

諶草創之世叔討論之行人子羽修飾之東里子產潤

色之

語見衆
力易成

史晏子曰和如羹焉水火醯醢鹽梅以烹魚肉燂之以

薪宰夫和之齊之以味濟其不及以洩其過君子食之

以平其心

左傳昭
二十

智者應勇者行仁者守

穀梁
傳

金木水

火剛柔相濟然後克得其和能為之用

東漢桓譚傳

聚精會

神相得益彰雖伯牙操瑟鐘逢門子鸞鳥號猶未足以

喻其意也故聖主必待賢臣而弘功業俊士亦俟明主

以顯其德

聖主得賢臣頌

樂廣善清言而不長於筆將遜尹請

潘岳為表時人咸云若廣不做岳之筆岳不取廣之旨

無以成斯美

晉書

唐史臣稱崇善應變以成天下之務璟

善守文以持天下之正二人道不同同歸于治

唐書宋璟傳互

見殊塗同歸

李華為元德秀碑顏真卿書李陽冰篆額後人

爭摹寫之號為三絕碑

唐書互見希慕

王義方曰天子置公卿

大夫士俾其水火相濟鹽梅相成不得獨是獨非也

唐書

本傳

傳記珍裘以衆腋為溫廣廈以羣材合構

史通

天下無粹

白之狐而有粹白之裘取之於衆白也

呂氏春秋一入衆力易成

集士夫之能享大名顯當世者莫不有先進之士負天下之望者為之前焉士之能垂休光照後世者亦莫不有後進之士負天下之望者為之後焉莫為之前雖美

而不彰莫為之後雖盛而不傳是二人者未始不相須

也

韓文上
于頔

布衣之士身居窮約不借勢於王公大人則

無以成其志王公大人功業顯著不借譽於布衣之士

則無以廣其名是故布衣之士雖甚賤而不諂王公大

人雖甚貴而不驕其事勢相須其先後相資也

同上與
鳳翔刑

尚書先進之士得人而託之則道德彰而名聞流後進之

士得人而說之則事業顯而爵位通

同上送許
鄆州序

武丁賢

君也傳說賢相也而武丁引金作礪以命其相說喻木

從繩則正以戒其君

陸宣公文

善為國者宣惠以養威養威

以尊惠威而能養則不挫惠而見尊則有恩

同

絲桐本

異質音響合自然

韋應物集

冰玉相輝椒蘭同馥

張九齡文

冰置

白玉壺始見清皎潔珠穿殷紅縷始見明洞徹

元稹集

猶

衆壑合注霈為大川羣山出雲混成一氣

呂和叔文集

易

成

本朝端溪石硯宣城管王屋松烟紫兔豪更得孤卿老

書札人間無此五般高

藥城集

相關相損

史今兩虎共鬪其勢不俱生

通鑑互見勢不兩立

朱彭寇費為世

莊士愛惡相攻能為國憂猶昆虫之相齧適足還害其

身也

後漢孔融傳

角智者皆窮角力者皆負

通鑑漢獻紀

傳記韓盧天下之疾犬東郭遂天下之狡兔盧遂遂環

山者三兔極於前犬廢於後犬兔各死

戰國策

卞莊子方

刺虎卞豎子曰兩虎方食牛牛甘必爭爭必鬪鬪則大

者傷小者死從傷而刺之一舉必有獲兩虎之名有頃

兩虎果鬪大者傷小者死

春秋後語

蘓代曰臣過易水見小

蚌方出爆而鷸啄其肉蚌合而箝其啄鷸曰今日不雨

明日不雨必有死蚌蚌亦曰今日不出明日不出必見

死鷸兩不相捨漁父得而併擒之

戰國策

各行其志

經君子之道或出或處或默或語

易

道並行而不相悖

記中庸五入殊塗同歸

子曰道不同不相為謀

語

微子去之箕子

為之奴比干諫而死

語

史伍員與申包胥友其亡也謂包胥曰我必覆楚國包

胥曰勉之子能復之我必能興之

左傳定公

子罕曰我以不

貪為寶爾以玉為寶若以與我皆喪寶也不若人有其

寶

左襄十五年分量不同

楚伍尚謂其弟員曰爾適吳我將歸死

我能死爾能報

左傳昭公

張竦曰人各有性長短自裁子欲

為我亦不能吾而效子亦敗矣

西漢陳遵傳互入各有所長

蕭望之

以射策為郎署小苑東門候王仲翁傳呼甚寵顧謂望

之曰不肯錄錄反抱闕為望之曰各從其志

同上蕭王望之傳

陽為益州刺史行部至邛郫九折坂嘆曰奉先人遺體奈何數乘此險後以病去及尊為刺史至其坂問吏曰

此非王陽所畏道耶吏對曰是尊叱其馭曰驅之王陽

為孝子王尊為忠臣

王尊傳

武盡善矣終全孤竹之潔

後漢

逸民傳

袁覲說蔡興宗曰舅今宜出居陝西覲在襄沔若

有事可以共立桓文之功興宗曰女欲在外求全我欲

居中免禍各行其志不亦善乎

通鑑宋明紀

沈慶之死子侍

中文叔欲亡謂其弟中書郎文季曰我能死爾能報遂

飲慶之之藥而死文季操刀馳馬而去

同宋太祖

馬樞曰

貴爵祿者以巢由為桎梏愛山林者以伊呂為管庫求

名實則芻芥柱下之言翫清虛則糠粃席上之說

陳書本傳

或與世同塵隨波瀾而俱逝或違時矯俗望江湖而獨

往

北史隱逸序

集樂於用則豫章貴厚其生則社櫟賢

劉賓客

百獸與鳳

凰同於簫韶中知各極其懽心耳又何暇自審其形容

之不類哉

元微之集

太公戰牧野伯夷餓首陽同時號賢聖

進退不相妨

白樂天集

君知天地中寬窄鵬鸞鳳各自飛

雙鳳棲梧魚在藻飛沉隨分各逍遙

同上

本朝鵬鸞逍遙各自知

臨川集

各有所長

經蘓達於樂而不達於禮

記仲尼燕居

德行顏淵閔子騫冉

伯牛仲弓言語宰我子貢政事冉有季路文學子游子

夏

語先

益公綽為趙魏老則優不可以為滕薛大夫

語憲

問又入分量不同

臧武仲之智公綽之不欲卞莊子之勇冉求

之藝語

子驥馱騏驎一日而馳千里捕鼠不如狸狌

莊子

相高下

視硯肥序五種君子不如農人相美惡辨貴賤君子不

如賈人設規矩陳繩墨便備用君子不如工人

荀子日

不知夜月不知晝日月為明而非能兼也

淮南子

奚仲不

能為逢蒙造父不能為伯樂

同上

史裨諶能謀於野則獲謀於邑則否

左襄三十一

孔子曰良

農能稼而不能為穡良工能功而不能為順

史孔子世家

宋

義謂項羽曰被堅執銳義不如公坐運籌策公不如義

通鑑秦
王世紀

范蠡曰四封之內百姓之事蠡不如種也四封

之外敵國之制立斷之事種亦不如蠡也

國語

黃霸材長

於治民及為丞相風采不及邴魏功名損於治郡

東漢
黃霸

傳張竦謂陳遵曰人各有性長短自裁子欲為我亦不

能吾而效子亦敗矣

同上陳
遵傳

薛宣起佐史登宰相為世

吏師及居大位以苛察失名器誠有極也

西漢
本傳

陳平曰

於今面折庭爭臣不如君全社稷定劉氏後君亦不如

臣

同上陳平傳

曾子長於孝然實魯鈍文學不若游夏政事

不若冉季今欲使一人兼之苟有可觀內必有闕

漢通鑑順

紀

諸葛亮治戎為長奇謀為短理民之幹優於將畧

蜀志

本傳

呂義為政簡而不繁號為清能然居大官名聲損於

郡縣

同上

臨郡則垂稱處朝則被損

同上陳壽評

孫策謂弟權

曰舉江東之衆決機於兩陣之間與天下爭衡卿不如

我舉賢任能各盡其心以保江東我不如卿

吳志本傳

摯虞

太叔廣並為列卿每至公座廣談虞不能對虞筆廣不

能答樂廣善清言而不長於筆將遜尹請潘岳為表時

人咸云若廣不假岳之筆岳不取廣之旨無以成斯美

晉書

謝鯤曰端委廟堂使百僚準則鯤不如亮

庾亮

一丘一壑

自謂過之

晉書

褚詵以幹用稱為縣吏事有不合令欲鞭

之詵曰物各有所施榱桷之材不合以為藩落

晉書

互大才

用古人有云耕當問奴織當問婢此言各有所能也

隋書

史思明曰李光弼長於憑城今出在野此成擒矣

通鑑

諸

葛亮明於治國而為相雲長張飛勇冠三軍而為將

同上

漢獻紀

傳記曹沫之奮三尺之劍一軍不能當使曹沫釋其三

尺之劍而操鉞鐸與農夫居壠畝之中則不若農夫

戰國

策猿獼猴錯木據水則不若魚鱉歷險乘危則騏驥不

如狸狐

同上

顧劭與龐士元曰吾與足下孰愈曰陶冶世

俗與時浮沉吾不如子論王霸之餘策覽倚伏之要害

吾似有一日之長劭亦安其言

世說

集琴待嵇中散杯思阮步軍

元微之集

子長在筆子長在論

劉賓客

廉頗解武文無說謝眺能文武不通

杜荀鶴集

天之生

物為用罕兼性有所長必有所短才有所合亦有所睽
曲成則器物不遺求備則觸類皆棄是以巧梓順輪桷
之用故枉直無廢材良馭適險易之宜故駕驥無失性

陸宣公文互見隨材器使

本朝倭工於為弓而不能射奚仲工於為車而不能御

歐公作梅聖喻集叙

物有所不可則亦有所宜譬夜偷者不以馬

司晝漏者不以雞

山谷文

各為其主

史蒯通曰跖之犬吠堯非其主也

史記

晉滅欒氏執政使

欒氏之臣勿行欒氏之臣辛俞行使執而獻公曰國有

大令何故犯之對曰自臣之祖以無大援於晉國世隸

欒氏於今三世矣臣故不敢不行

國語

滕公曰季布何罪

臣各為其主用職耳項氏臣豈可盡誅耶

通鑑漢高祖紀

臣各

為其主耳

同上

跖之狗吠堯堯非不仁狗固吠非其主當

是時臣惟獨知韓信非知陛下也

同上高紀

桀之犬可使

吠堯跖之客可使刺由

西漢鄒陽書

關公殺顏良拜書辭曹

操而犇劉備左右欲追之操曰彼各為其主勿追也

通鑑

漢獻紀

什翼犍嘗討西部獲射者郃臣欲腐割之什翼犍

曰彼各為其主鬪耳何罪遂釋之

同上晉海西公紀

羣士陳力


各為其主

三國魏明帝紀

傳記魏勅曰跖之犬吠堯非貴跖而賤堯狗自吠非其

主也

春秋後語



記纂淵海卷五十八